



明詩紀事卷十三

貴陽陳

田輯

甲籤

袁凱

凱字景文松江華亭人洪武三年舉人薦授監察御

史以病免歸有海叟集四卷

何景明大復集我朝諸名家集獨海叟詩為長叟歌
行近體法杜甫古作不盡是要其取法亦必自漢魏
以來者其所造就蓋具體而未大耳
陸深金臺紀聞初高季迪與海叟皆以詩名而
雲間與姑蘇近殊不聞有贈景文詩曰清新還似我
也都不敬嘗道季迪有贈景文詩曰清新還似我
健不如他今其集不載是詩元敬得之史鑑明古史
得之朱應祥岐鳳岐鳳吾松人以詩自豪於一時為
序在野集者其事雖無考然兩言者蓋實錄云
國雅侍御景文才情道拔往往有奇語尤閑于詠

明詩紀事卷十三

一

物其題白燕聞笛頗為時口膾炙
香祖筆記明初詩人共推高季迪為冠而大復獨以
海叟為冠空同許為知言今讀其詩古詩學魏晉近
體學杜皆具體而微耳遽躋之青邱生之列未免失
倫
明詩別裁李獻吉謂海叟師法子美何仲默謂歌行
得杜之體鄙意傷於平直未極變化若七言斷句在
李庶子劉賓客間青邱孟載俱未及也
田按孝陵殿切海叟門爭蝦蟇雖相和鳴百足之
蚊詩云羣蛇跋跋方門昏醒蚊蚋雖相和鳴百足之
盡行無聲毒氣著人昏醒蚊蚋雖相和鳴百足之
如雷吁可驚東方日色苦未明老夫閉門不敢行蓋
元季傷亂之作何元朗四友齋叢說引為譏切太祖
亦附會之過也海叟詩骨格老蒼摹擬古人無不逼
肖亦當時一作家何大復標為明初詩人之冠過為
溢美宜諸公之不取也

下直懷北山隱者

載筆侍雲陛向夕始餘閒撫彼清泠觴慰此憂戚顏出軒月
纔皓臨街露已繁廣庭行且止修檻去復攀幽樹靄深翠餘



花發微殷俯仰不知夕星漢忽西還歸來空房卧巖城漏欲
殘鴉鳴九井動劍佩亦珊珊將隨夔龍後祇肅謁重關緬懷
息心侶遺世在雲山焉能從之去逍遙巖桂間

遊西墅

吳王逐獸地土衡聞鶴亭古人不可見荒原今獨行遺堵儼
若存阡陌復縱橫依稀望極浦迢遞盼春城江樹旣掩靄原
花復晶瑩長煙覆漁屋白水亂鳧汀山川豈云異人事有消
停卽此傷往時聊復樂其生寄言後來士此理可自明

池上二首

秋池行樂去池樹色已暝露下夕衣涼月上風簾靜饑禽墮
疏竹鳴蛩出深井夜久人事息蕭然諸念屏

明詩紀事卷十三

二

振衣書齋客逍遙池上步林隈薄霧起石隙幽泉度鷗迷夕
樹返魚觸秋荷去清聲水上來欲去更延伫

偕友人早出郊

離羣寡游豫得朋殊繾綣相將度春水散漫入芳甸班荆煙
乍斂摘花露猶泫林鶯坐未出沙鳥飛還見遙山浮空翠晴
雲曳輕練一聽野人言復起滄洲願

觀朱澤民所畫山水有感

朱公畫圖愛者衆聲價端如古人重王卿鉅公數見尋往往
閉門稱腕痛我時挾冊遊郡城朱公愛我詩律精時時沽酒
留我宿共聽西窗風雨聲清晨起來忘洗盥短衣飄蕭臨几
案大行中條眼底生岩岫冥冥氣凌亂禹鑿龍門疏泮水根

入黃河源不斷南及衡陽抵桂林東入會稽連海岸是中
我一畝宮正如浮萍在江漢溪流宛宛石齒齒夾岸桃花途
遠邇原頭煙霧散雞犬屋裡詩書雜童穉扁舟遠來知是誰
豈是昔日鴟夷皮五湖蝦菜殊可樂千古功名何足奇只今
四十有三載公竟不歸畫圖在世閒好手豈易得終日紛紛
勞五彩感時念舊心獨苦况我頭顱白如許呼兒捲卻不忍
看白髮高堂淚如雨
蘇軾贈張鳴善
白帝城中客清秋碧海旁乾坤方洵胸身世獨遑遑萬里空
形影全家墮虎狼悲歌三百首一一斷人腸

春日偶書

明詩紀事卷十三

三

龍官御史府屏迹五湖東江水供漁釣山花費酒筒野情方
浩蕩高論入虛空明日春田事還尋荷篠翁

江上早秋

靡靡菰蒲已滿陂菱花菱葉共參差卽從景物看身世卻怪
飄零枉歲時得食野鳥爭去遠避風江鶴獨歸遲干戈此日
連秋色頭白尤多宋玉悲

南村

南村煙樹接蒹葭白鷺翩翩滿白沙此地遂成茆屋計何人
更識老夫家卽聞斷壘行新竹便接平皋樹雜花戎馬紛紛
終未已此身泛泛獨長嗟

黃寓所

草閣閒庭春水邊
雨蒲風柳自紛然
隣翁對客還爭席
水鳥依人欲上船
西北朝廷無使節
東南城郭自烽煙
老夫避地非遊說
正少蘇家二項田

次楊廉夫先輩韻

吹笛春江煙霧稀
幽芳小草總相依
巫峽寧知雲雨夢
滄州欲拭芰荷衣
花間鸛鶴迎人起
波上魚龍挾棹飛
不似南州庾開府
鄉關頭白苦思歸

白燕

故國飄零事已非
舊時王謝見應稀
月明漢水初無影
雪滿梁園尙未歸
柳絮池塘香入夢
梨花庭院冷侵衣
趙家姊妹多相忌
莫向昭陽殿裏飛

明詩紀事卷十三

四

楊儀驪珠雜錄常熟時大本賦白燕詩云春社年年帶雪歸海棠庭院月爭輝珠簾十二中間捲玉剪一雙高下飛天下公侯誇紫領國中傳侶尙鳥衣江湖多少閒鷗鷺宜與同盟伴釣磯錄呈楊鐵崖鐵崖函稱珠簾玉剪之句袁景文在坐曰詩雖佳未盡體物之妙廉夫不以爲然景文歸作詩翌日呈之鐵崖擊節歎賞連書數紙盡散坐客一時呼爲袁白燕以此得名

靜志居詩話海叟居松江府治東門外崇禎末單麻城徇卽其址構白燕菴李舍人待問書聯於柱云春風燕子依然入東海鰻魚不可尋相傳孝陵有言東海走卻大鰻魚何處尋得爲海叟而發也
王士禎漁洋詩話松江有白燕菴海叟故居也康熙丙戌門人周策銘寫其遺集相寄余感而題之云鼎足高楊爾不慙百年遺蹟改名藍鳥衣王謝俱零落七字風流白燕菴

京師歸至丹陽逢侯生大醉

白下西風吹夜涼
五湖秋草著微霜
千家砧杵初淩亂
獨客關山正渺茫
歸去定應殘臘盡
飄零猶幸此身強
丹陽郭裏

盈樽酒且爲侯芭發醉狂

懷會彥魯

不見曾公白髮侵酒杯某局最關心年華冉冉情何限江海悠悠水正深欲買小舟隨雁去便從幽壑聽龍吟

聞其恆往來龍井

題吳王內涼圖

微月斜侵響屨廊芙蓉清氣滿金塘鴛鴦只傍闌干宿也愛君王水殿涼

日莫卽事

茅屋秋來破不勝野雲沙樹自層層老夫生理今拋廢日日江潭去採菱

明詩紀事卷十三

五

江上寄書

湖南估客發西津東入姑蘇花正春獨有相思數行字欲從江海問情人

贈歌舞女童

漳河女子薦良童名在先朝樂部中記得教坊新隊子江北舞春風

瓜步夜泊

千里長江雨乍晴江頭燈火夜深明爲報高樓莫吹笛故園東望不勝情

蘇伯衡七首

伯衡字平仲金華人明初爲國子學錄遷學正被薦

擢翰林編修辭歸洪武十年學士宋濂薦以自代復以疾辭後爲處州教授坐表箋誤下吏死有平仲集

十六卷

田按平仲以古文鳴宋景濂送平仲還鄉序云平仲辭章體裁嚴比姿態橫逸如春陽被物或根或莖或卉或條或小或大或圓或偏各隨其物而暢之無有同者又云司馬溫國公光資治通鑑成一家言宋之後元蓋不敢當作者之任元史新修十四朝之論皆並亦頗繁然可觀有能蒐纂以續司馬之書者將不在今日乎平仲學術富而辭章美其東還也將操筆削而成百代不刊之典其爲老輩推重如此平仲之官學錄也在丙午七月吳元年丁未進學正見有所庚戌七月九日晡時御筆宣喚詩云元霜溼霧動龍香水殿書題愛晚涼蟻虱小臣惟感愧姓名衣被五雲章明日入見奉天門口號云玉階俯伏聆天語金匱抽書亦只合山林送此生蓋引見後授編修卽以病辭無似

明詩紀事卷十三

六

也其官國子前後五年胡仲子跋平仲集云平仲居太學六年提要疑爲史誤余詳檢本集蓋仲子誤加一年史不誤也集中又有被留校讎元史史館雜書詩云筆削自從尼父後文章無過馬遷優坐銷官燭知無補絲絡翻慙進庶羞蓋辭官後又被留史館去明年始得還也平仲夙懷羞怯連兩雜書詩云決去胡不早無營尙盤桓東齋夕書詩云偶隨孤鶴行時見疎螢度卽此有餘歡何況山中去厥後景濂薦以自代力辭還山二十一年聘主會試後辭還尋授處州教授以下表箋忤旨下獄死二子恬怡救父並被覆巢一卷非其所措意而澤古既深風格亦自騫舉詩僅一卷非其所措意而澤古既深風格亦自騫舉其他著述無聞集本近亦罕見余假之江陰繆氏雲在龕

送宋起居還金華

長揖謝宦徒還歸戒征軸眷言幽貞慮覓在仙華麓就養望既盈考槃願亦足儲清濬昔池薙荒理舊竹蘭佩紐春蕤荷衣製秋綵沆瀣晨三嘯彫胡晝九曝從今猿與鶴不復怨幽

獨看香火雲間香書靈藥只不知和開象數楚彈飄欲曲

翻雲連雨雜書靈藥水交御斷夜驚翻刺山雲白鳥觀

江雨殊未已江風生早寒今我悄不樂喟然起長歎決去苦

不早無營尚盤桓徒貽父母愁歲晏衣裳單

小黃東齋夕書

幽居得自怡野性方愜素高枕一酣眠長廊獨閑步白日誰

云長青山忽已暮皓月照前階涼風滿高樹偶隨孤鶴行時

見疏螢度卽此有餘歡何況山中去

百金不惜市梃鞭兩耳不解聽朱絃人情如此亦何以我每

見之獨慨然夫君懷寶起浙右掉鞅觀光來日邊夙學入言

破萬卷新製我喜窺幾編金莖玉露足秋爽林花澗草爭春

妍紛紛牛毛豈不多振振麟角爾固專摘藻詞垣翻舍置採

芹鄉泮仍留連所好者竿鼓者瑟猶柄以方鑿以圓陳平丰

姿若冠玉酈生辯口如河懸禮意殷勤日三接華貫敷歷歲

九遷由來利鈍係遭遇未必愚智殊天淵樂育菁莪亦已重

况乃桑梓敢不虔去國不賦北平什還家徑上東吳船大材

小試吾竊歎冷官不厭子乃賢審子閱世儵四十守官太學

垂五年包羞待問成倚席畢景兀坐寒無氈勳業空期螳附

驥俛仰卻笑夔憐螭彼哉浮榮勿復道歸歎樂事言難宣會

稽雲門最幽絕鑑湖剡水交漪漣玄猿嘯呼山近屋白鳥明

滅江吞天雲閒往往得靈藥月下時時聞采蓮多暇應爲曲

明詩紀事卷十三

七

水會乘間便作東山眠村翁溪友總愛客蘇芽蓴菜不計錢
酒酣更斫銀絲鱸章就還灑蟬翼牋並遊只許鐵冠子同載
應懷玉局仙願言留榻以相待一曲擬乞君王前

贈王彥和檢校還北平四首 錄二

拜表趨丹闕承恩宴紫宸羽儀江左彥簪紱幕中賓玉液金

盃出瑤筵錦瑟陳轅門思贊佐迴轡敢逡巡 庚申詩史卷前

乘傳歷長途齊封接魯墟頻年經戰鬥幾處遂耕鋤小市尊

多酒貧家飯有魚重來朝覲日為報玉階除 蘇文

田按彥和名錡處州人與兄鍾一母同乳而生鍾字

彥中早卒劉伯溫為文以哀之彥和與修元史附見

明史趙彥傳史不詳其仕履余錄高季迪贈彥和赴

檢校北平詩僅詳其授職耳今錄平仲詩復檢平仲

文集有送玉彥和序云彥和儀觀甚偉於書無所不

讀弱冠借其兄彥中試於鄉不中即棄去作為古歌

八

明詩紀事卷十三

詩雜文長老咸推讓焉今春以議禮被徵而起尋承

詔入史局纂修元史比史成北平之命下高君季迪

率朝之搢紳賦詩以華其行而余序其簡首彥和為

宋給事中信之後家有槐堂劉伯溫為之賦思繼述

公庭上三槐樹千載流傳是德符一耳孫思繼述

昔年手澤歎荒蕪當窗欲看屯雲葉夾徑先裁待雨

株會見枝頭金粟蕊秋風吹送上天衢余於前後史

局諸公無詩可採者必詳其事蹟平仲又有夏尚之

送蔡思賢參政使蜀

清晨旌節三川去今日車書萬里同燕餞都亭來詔使停驂

鄉井訪鄰翁峯經迴雁邊聲靜峽入嘒猿樹影空昭烈祠西

諸葛廟秦州城北隗囂宮神交露立蒼茫際長嘯風生感慨

中毛伯昔聞周上介隨何今見漢明公布宣德意相如最囊
括山川太史工河隴從茲兵不構輾輾此去路相通庭充橘
柚陳方物歌聽巴渝識土風最是多情江漢水直隨歸楫到

江東

田按思賢名哲武昌人丙午夏圭明昇遣使來聘太祖使思賢報聘諭曰蜀使者多飾浮詞誇大其國徒取人不信汝至蜀慎無效此其政行也同朝多有贈詩詹同文詩云東吳霖雨佐西蜀將星明朝落黃牛廟雲開白帝城邦交修兩帛賓禮會簪纓陸賈無裝贈楊雄有賦名詞源流峽水詩筆發天聲邛竹臨風看巴船載雪行錦官談舊俗金節促歸程聖主龍顏望慈親白髮生鳳池邀閣老馬首出郊迎

童冀二首

冀字中州金華人洪武丙辰徵入書館出爲全州教

官遷湖州教授調北平坐罪死有金華南行雪川北

明詩紀事卷十三

九

遊等集合爲尙綱齋集五卷

四庫總目童冀在明初與宋濂張羽姚廣孝相唱和詞意清剛不染元季綺靡之習雖名不甚著而在一時作者之中固亦足相羽翼胡翰仲子集陶徵士高節非晉宋人比故世慕之章應物之擬作蘇子瞻之節篇往往不絕中州是集蓋兼取二家而瘡痍乎柴桑栗里之間可謂好之篤而思之精

田按中州金華城川十詠序云洪武丙辰冬忝徵至京明年而職教全湖泝大江西上五千里是嘗爲全州教官矣集中零陵水車行贈丹崖隱者等詩皆此時作也次衍公約看杏花詩云往年爲客上湖水萬里不異僧行脚東還茗書又十年日夜思歸歎蕭索蓋官湖州教授者最久故云茗書十年也張來儀爲中州題畫詩云吳興博士今鄭虔故山未歸雪滿巖今年召對席屢前蒙恩親賜水衡錢蓋職教湖州時會朝京賜錢遣歸也集中擬古詩云我生七九年始識廣莫風則遷北平教授時年已六十三矣中州前和陶詩胡仲子書其後錢牧齋云蘇平仲書其後余檢平仲集無此跋疑牧齋記誤也後和陶詩獨菴少師跋云中州才力老成學問淹貫其和詩如爾拙泉

決畧不見其艱窘又奉答中州詩云金華先生老而
逸欲作山中看花客寄來長律冰雪清往往丁寧看
花約深致推挹金華明初作家林立往往以古文擅
長若中州之詩與數子角立於壇坫之間當亦不多
讓也

讀山海經

西極有玄圃東溟聞丹邱駕言往從之道遠孰我傳神仙不
可見弱水無安流不如返故居何事空遠遊

人生無百年口腹累甘旨甯知園邱上乃有人不死赤泉亦
斲飯生草信不履寡欲可長年大藥何足恃

申屠衡二首

衡字仲權大梁人徙居長洲洪武三年授翰林院修
撰謫濠有扣角集

明詩紀事卷十三

十

楊維禎西湖竹枝集仲權少貧恥爲商賈胥吏之習
銳志經史善屬文然爲時經生而兼工詩翰度越流
輩時論難之其擬詞云青鎖春閒漏點遲博山香爇
翠煙微隔簾誰撼金鈴響知是花閒燕子歸可以列
才子之林矣
田按仲權鐵崖弟子洪武三年被徵草諭蜀文稱旨
授翰林院修撰以病免旋謫濠作爲詩歌號扣角集
貝廷琬稱其大篇短章和平古淡無哀傷怨懟之辭
庶幾知命者詩沿鐵體流傳不多

西湖竹枝辭

白苧衫兒雙髻了望湖樓子是儂家紅船撐入柳陰去買得
雙頭茉莉花

春去春來愁別離淡妝濃抹妬西施只今五斗青螺黛留待
郎歸卻畫眉

張昌一首

昌字思廣臨汾人洪武初官國子助教

田按思廣與貝廷琚趙本初錢子劉子憲同官國學推為一時之選其罷助教歸也廷琚作文贈其行稱思廣學足以相資言足以相發暇則與同輩出白下門登鳳皇臺倡和成什皆推思廣為冠惜詩不多傳不足見所長也

送李廷芳應察公辟

太行山下陣雲高破賊先登氣自豪全晉無人居險要西秦

有客度洪濤關河形勢歸吟稟天地經綸入戰韜知已柱臣

今郭李功名咫尺冠諸曹

鮑頰一首

穎字尚鑿歙人明初以薦授博士廳典籤遷翰林院

編修擢修撰出為耀州同知坐罪死

明詩紀事卷十三

十一

田按尚鑿以詞臣扈從鍾山帝御擁翠亭給筆札賦詩時同賦者朱升張以脩秦裕伯單友中李某鐵冠道人也馮林翠屏有集行世餘者無詩可採余於程篁墩新安文獻志獲尚鑿詩一篇尚鑿出知耀州高季迪賦詩送行云鑿坡初罷直西去惜離羣載筆唐懷古登臨賦夕曛尚鑿政績頗有可述死非其罪唐梧岡有文紀之

書師山先生所題黃山崖石後

蒼崖百尺與雲齊徵士重來為品題姓字一時通漢史文章

千載並浯溪春深莫遣莓苔沒日煖應添紫翠迷猶憶匡廬

當日事短檠山雨五更雞

王立中四首

立中字彥強長洲人以蔭授開化尉元末知嘉定州

遷松江知府吳元年歸附攝松江知府有穉齋寓齋

定王臺辨隱三集二十卷

西湖竹枝集彥強少年傲達凌物晚刻節厲行能以門蔭公子爭秀於作者之林

田按實錄吳元年大將軍徐達攻蘇州遣元帥楊福參謀費敬直論松江府守臣王立中以城降達令立

林守遷雲間詩云男屠猪羊女醜酒共禱神祠留太守

東風不里失君應愁得君喜安得如君數十人一時盡福東

南暮逐江鴻集田家邇強隔村遙煙路透地一帆人

縣齋明日寫秋吟古城高樹清砧急彥強生三子瑛

字汝器璣字汝玉璣字汝嘉瑛吏部主事璣璣官翰

西湖竹枝詞

孤山梅花開雪中恰似阿儂冰雪容不學畫橋南畔柳春來

容易嫁東風

明詩紀事卷十三

主

湖山堂前密雨飛蘇公隄上行人稀喚郎扁舟早回去春泥

日晚汗郎衣

絕句

春波橋頭柳似煙越王城郭在西邊我家邊屋皆春水盡日

鴛鴦隨釣船

梅粉凝嬌不肯添晚雲籠暝壓重檐江南可是春寒甚十日

東風不捲簾

林公慶

公慶字孟善處州人明初官翰林出為松江知府

長沙

定王臺上關中土西望長安多白雲賈誼才高空有賦河間

博雅更無聞

張率一首

微春員率字孟循廣信人吳元年徵知嘉定州有張嘉定集

南渡諸陵玉柙灰錢塘孤塔是幽臺石麟久向雲根沒金雁

何曾海上同攔漢赤眉因世亂賓周白馬自天來沛中王氣

非陵寢徒使遺民過客哀

田按楊瓊真卿攝宋諸陵哀帝后遺骨瘞於杭之故宮築浮圖以壓之號曰鎮南陳剛中鳳凰山詩云浮圖百尺聳亭亭落日鴉颯野遺青

詩云劫火不燒楊瑄塔怒風還激伍胥湖錢塘懷古與二作同一酸楚陳霆兩山墨談云子聞楊禿所營

者考鎮南之跡元人謂在杭之興元寺故宋大內也今杭之鳳山門外雖諸寺俱存然不知何者為興

明詩紀事卷十三

元意者國初修復城隍之際有識者惡之特刻去之

包尼授一首

尼授一名聖字師聖江陰人洪武初以明經辟授岳

州同知有鶴洲遺藁

田按永樂中朱紹輯高季迪楊孟載與師聖詩為二先生集師聖詩不逮高楊遠甚紹為師聖外孫欲私

其外祖耳

登岳陽樓

江通巴子三千里雲鎖湘娥十二鬟為語遊人莫吹笛潛龍

淵在月波灣

涂穎一首

擢銀夏穎字叔良進賢人明初授中書典籤遷太常博士

田按黃庸之遊金陵與叔良及朱文昭倡和文昭詩
不可得見叔良七言斷句頗有風致

題山水圖
林岬盡湮火國海盈荒沮委蕩廣河飛

憶昔灤陽八月歸北風吹雪灑秋衣槍竿嶺上停車望萬木
蕭蕭落葉飛

上京次賈待制韻

竹宮宵窅秋風晚芸閣沈沈晝漏稀獨有蕃僧承詔寵紅衣
白馬退朝歸

閣山雜咏

露盤直瀉土池水玉桂高搖碧落煙雁宕匡廬甲天下無人
來看第三泉

朱逢吉一首
貞崇德人共苑中曾大野丞

明詩紀事卷十三

朱逢吉字以貞崇德人洪武中官大理寺丞

題雲林畫

昔年來看墨池鵝風雨扁舟載酒過一自春歸清闕閣幾番
蛛網落花多

白風金網一首

宮詞字子尚嘉興人元季舉鄉試洪武初知蘇州府以

請減賦額賜死

小集南湖分韻得猶字

妖狐叫夜澤機槍照神州大地無完郭人血當川流四塞失
危阻况乃此平疇林垆盡野火園榭爲荒邱奔竄竟何所進
退徒夷猶不有良守牧何以得依劉仰面見明月清光似君

侯既照我心曲還慰我離憂

涂幾 一首

幾字守約又字孟規宜黃人有涂子類彙十卷

戎王出獵圖

問于賦於後一萬里山日

九月遼陽草正黃天山飛兔白如霜
驍騰已合三軍勢
猛銳猶思百戰場
金鼎割鮮供上將
玉甌和血飲
名王燕支小隊穹廬出也
向天邊獵雁行

鄒矩 一首

字文思泗水人

矩字元方宜黃人洪武初以儒士薦授南城訓導有

集

雲關嶺

明詩紀事卷十三

五

朝從雲關遊暮向雲關宿
仙人駕雲車遺我雙白鹿
誰吹紫鸞笙清響在林谷

吳彤 二首

彤字文明臨川人元進士除贛州錄事明初以薦授國子博士同知嚴州終北平按察副使

峽口晚泊

翠壁隱殘照滄洲生夕陰
鷗鳥忽飛去幽幽春水深
日落潭水綠松閒聞子規
征途一萬里江月每相隨

明詩紀事卷十四

貴陽陳 田輯

甲籤

徐一夔 二首

一夔字大章天台人徙嘉興元未建甯教授洪武二年徵修禮書三年書成授杭州教授六年與修日曆書成將授翰林院官以疾辭賜文綺遣歸有始豐類

稿

至正庚辛倡和集補傳大章博學善屬文危大僕在元時嘗言於朝授建甯路教授元末避兵於郡之白苕里育屋三四楹牖外有大柞因作獨柞軒記以見志錢塘潘時雍題一詩曰蕭洒幽軒水面開軒前雨樹倚雲栽閒來扶杖過三市醉後支頤看百回風雨從隨龍化去雲霄常聽鶴飛來結鄰擬共榮枯事遮

明詩紀事卷十四

莫人知是散材

田按明初以考禮徵者如楊維禎王鈞張宣朱右魯淵錢宰林弼劉儼張翥陳世昌輩不堪枚舉其見於明集禮者僅徐一夔梁寅劉子周外如高季迪送舒弼董彝蔡深滕公琰曾賓十人此外如李應陽劉叔孫聊應詔周黨竟辭歸赤日京塵遠蒼煙海樹微送君還自歎老卻故山薇徵士不能舉其名蓋亦應詔考禮畢辭歸也劉仲修清江集亦有秣陵述懷詩云談蒙曲臺召秉筆留禮局高季迪送徐大章歸嚴會得之以修元史畢留禮局高季迪送徐大章歸嚴陵序云大年被召與修元史書成以老乞還會春官議修五禮復奏留之其書又成有司具禮傳送歸是云大年亦以修元史留禮局者集禮何以不列大年名豈大年所修五禮又別自成書歟孟敬贈徐大章序禮局宿儒之通於古制者居之三誥局後才之優於禮辭者居之明史太祖首定天下他務未遑首開禮樂二局廣徵宿學書成未附鍾律雅樂俗樂三事又為樂局厥後集禮書成未附鍾律雅樂俗樂三事又為合併耳又謝密庵送朱伯賢考禮序云皇帝混一

初元命中書暨翰林太常率諸儒定擬三禮明年再命集儀禮樂又明年徧徵在野道無歲不詔諸儒攷攷定之蓋自吳元年至洪武十年無歲不詔諸儒攷禮三年九月集禮成特以大章等十人竣事耳大章爲王子充所薦續修元史力辭其報子充書深明史法爲世所稱始豐稿十四卷獨缺詩今所錄者皆散見於他選本者也

訪玘法師宿夕佳樓詩

元獻十四

寓縣俄多難湖山亦被兵名藍俱泯滅別構獨崢嶸翰墨看前輩登臨愧後生巖城圍列嶂半檻出澄泓直簷侵檐上纖蘿附牖縈倚闌雲鳥度極目鏡天平日夕景逾好琴高思轉清殘陽樹間歿薄靄水邊橫紫翠霏微合丹鉛點染成茅津有漁唱麥嶺少人行暝色松門動寒飈竹嶼鳴疏鐘度餘響遠火露青熒仙梵微微出爐煙裊裊輕山盤堆露實石鼎泛雲英洗濯塵凡近飯依誓願精行當陪竺士聽法破無明

明詩紀事卷十四

二

題徐良夫遂幽軒

臨風一讀遂幽篇鄧尉穹窿在眼前愧我未安三畝宅思君欲泛五湖船春明載酒穿花鴨日暮扶藜看稻田多少長安軒冕貴枉勞魂夢到林泉

劉承直 二首

承直字宗弼贛州人元進士明初被薦授國子博士遷司業出爲浙江僉事引疾歸自稱崆峒雪樵

田按詩綜云承直字宗弼以字行考之他書無云承直以字行者洪武二年召修禮書者有劉宗弼疑別自一人實錄吳元年定國子學官并博士劉承直爲司業既書其名矣無緣前後互歧復以字行蓋出入書宗弼詩後云宗弼善於詩而於選詩尤工蓋出入鮑謝而闖曹劉之城矣又云君以文學起家以政事

名世蓋本末兼該者惜集不傳

同俞自安泛舟南湖寄龔所立

高秋留別墅亭午泛寒流未結巢由社違同李郭舟波光迎
日動雲氣挾山浮為問乘槎客何時賦遠遊

採石蛾眉亭

昔從淮海泛歸舟曾為蛾眉十日留翠袖雁行歌子夜玉壺
蘇飲醉清秋江山有待仍青眼歲月無情易白頭滿目閒愁
懷李謝數聲漁唱起滄洲

周子諒一首

子諒名愷以字行廬陵人洪武二年徵修禮書書成

授官四年中進士授工部主事

明詩紀事卷十四

三

田按子諒詩見劉仔肩雅頌正音纏綿溫麗惜不多

白紵歌

井梧墜葉聲如雨輓轡夜靜莎雞語西里佳人怨薄寒惆悵
燈前歌白紵白紵新時白如霜象床開合秋水光製成只恐
香塵污衣著偏宜九夏涼西風乍入羅幃裏數點清塵不禁
洗競開篋笥試新紵舊服拋捐那復理嗟爾白紵怨勿深憐
新棄舊他人心願將貞白永相保今年卷卻明年好

林弼入首

弼改名唐臣以禁國號名氏復名弼字元凱龍溪人

同元進士漳州路知事洪武初召修禮樂書授吏部主

事使安南還改豐城知縣以事逮至京從獄中上書

詔釋之命爲吏部郎中出爲登州知府有登州集二

十三卷

列朝詩集王禕臨漳雜詩云科名唐進士道學宋先

儒風流今孰繼林子亦其徒注云林子元凱也

田按實錄云元凱登元至正甲午進士第有文詞著

聲闕浙間入國朝與修元史授考功主事而諸書又

云以儒士登春官修禮樂書余考元史前後兩局及

禮書無元凱名續修元史以洪武三年二月開局七

月書成纂修禮書以洪武二年八月始事三年九月

書成元凱奉使安南在三年四月疑未及書成以使

事去正如操公琰不得列名元史魯道原之不得

列名集禮耳宋景濂序元凱使南臺稱其文辭爾雅

吾友王內翰品評閩南人物謂元凱爲巨擘其爲名

輩推重如此

旅感

驅車秣吾馬萬里涉遠道遠道多險艱行子何草草晨征夕

未息川陸漫浩浩行役豺虎區此身不自保明當脫塵羈優

游以終老

用貢泰甫尚書韻贈別吳君濟掾史

東國蒲柳滿江津杯酒離亭暫別君春事又隨紅紫老人告

每似燕鴻分榕亭雨過聞鶯語海天青見鶴羣東府仙人

應握手三山高處望紅雲

西村隱居

西村竹樹靜朝暉萬事閒來總息機一夜小溪春雨過半篙
新水白鷗飛草堂築就肯誰寄彭澤歸來願未違最憶衡門
凝望處平疇十里豆花肥

和韓南勝

白鹿山前舊草堂重來吟鬢已成霜花城衙放雨初歇竹寺

詩題曰正長水尋作羹流著滑溪魚釀鮮透苞香野人喜見
昇平象桑柘連陰古戰場

臨江

柳外樓臺入翠微水邊簫鼓蕩晴暉樟江雨漲魚新上阜閣
雲生鶴共飛諸老尙留詩卷在此生未逐釣船歸蓬窗吟罷
還成醉蜜酒初香玉筍肥

覺初上人還永嘉江心寺

江心古寺金焦如滄波湧出青芙蓉千歲鶴歸作人語九淵
龍起聽梵書山履重尋謝康樂丹砂試問陶隱居自是初心
得真覺閒身去去隨樵漁

題方壺子墨竹

明詩紀事卷十四

五

方壺仙子御風還雲外珊珊響珮環吹徹鳳笙山月冷參差
玉管落人間

題畫

白石青蒲春水生夕陽毛羽照沙明戲拈畫筆知何處柳外
池塘艇子輕

張翥

翥

字翔南建德人徙居嘉興元末舉於鄉明初

徵入禮局告歸有梓宇集

田按竹垞稱翔南所居有巨梓徐一夔爲作記余檢
梁孟敬石門集亦有梓宇記云今天子將卽大位寅
與君同受詔稽古禮文則翔南徵入禮局亦在吳元
年矣

憩景德寺分韻得詒字

郭遠樹稍陰野曠秋始屆舟迎浦上迅愠釋林閒快紺圍幾
世闢斷碑何年壞閣披龍象擁壁翳天人畫良朋蔚胥集僧
衲喜出話談幽貝葉翻襟散袈裟掛池深浮菡萏露晞餘沈
澹石田際秫秫秋風偃蒲稗屢愜清賞延迫此日西邁篇什
志偕遊母云棄菅蒯

題蔣顥畫翎毛

曾向山中倚玉闌瓊葩相映碧琅玕翠禽唳破香雲夢別有
春風釀早寒

陳世昌一首

世昌字彥博錢塘人元末徵授翰林院編修明初徵
入禮局授太常博士有希言集

明詩紀事卷十四

六

田按彥博自號西湖真拙寓嘉興作南湖賦傳誦于
時

亂後南湖詩會得地字

寄家橋李城情爲姻交繫時登城上樓吳山望天際去年向
西湖重尋煙水契驀聞兵變起謀閒若天墜舉足不敢前念
之心欲碎兼旬難方解歸舟急偏滯半道聞鄉信十言九不
是跟踰入郭門閭闔成赤地到家見妻孥喜極返涕淚具言
鄰公衙吏兵掾逾至男女十九人幸免毒鋒刺琴書賴復完
疏狂更容肆翹首見輝光恍惚疑夢寐

孫作二首

作字大雅以字行一字次知江陰人洪武六年召修

日厯書成除翰林院編修以老病乞外授太平府教

照坐金授入爲國子助教遷司業有滄螺集六卷

澄江詩選孫次知五言古實近東坡七言律絕氣味清厚

吳夢言

田按洪武六年召修日厯宋濂詹同爲總裁官樂韶鳳爲催纂官其與纂修者吳伯宗朱右趙瑛又廉徐

歸田自

歷祕天府人不得見請仿唐貞觀政要分輯聖政自

其意不

敬天至制蠻夷凡四十類名曰皇明實訓宣示天下

明人詩

至滄螺亦空谷之足音也

嘗欣食菜美自謂肉不過今晨齒頰間屢嚙安敢唾持梁嚙

肥鮮野筍誰當課使君可憐人異味諳小犬我本江南樵酸

寒羹不和空腸轉藜莧糲粟連糠檜雨韭春割苗霜菘秋餉

座羊踈釀旨蓄蒲歎雜細判芋魁掘地底菱首洗泥科木魚

明詩紀事卷十四

七

三百頭竹筍一萬箇朝湘出山厨夕煮吹煙銼堆盤青黃見

入口生澁奈以茲媚盤飧頗復如君作採之諒有時蒸或躬

自佐白鹽點葱橙紅椒羅臼磨蔗錫質劑調醞醑芳辛破香

飯炊屢熟宿酒醒方餓鷺掌推不受髓裙空欲蛻饋案連十

罌飽食深自荷霜根咀寒齏三歎論奇貨米壺奪仙廚適口

騰軒簸四海一東坡拙謫常坎坳參軍半畝茶詩句劇嘲賀

我蠢不償一造物知何那抱甕力不任負鋤筋苦墮亦欲賦

歸田自種百畝粳傳君作菜法華蕤旋封裏食勤不愧天日

晏從高卧

對吳苑六辛路趨日恐宋燕管同食餘缺官樂

酬蔣逸人連日觀花之會

故實沈東坡詩言筆跡

照坐金沙笛裏開青春兩度爲花來紅粧初見三千指錦繡

重添一萬堆細雨流霞移曲檻東風落日坐平臺深紅淺白
俱情稱醉後題詩記此迴

瞿莊二首

莊字敬孚常熟人洪武初以薦授翰林典簿與修正

韻尋遷禮部員外郎擢福建右參政轉左參政

閣書出甯越門二里曰橫山池西爲南臺山崇阜屹

人東坐洪武十年布政使葉茂禱雨有應以聞中書

下禮官議從神故封稱漢闕越王之神右參政瞿莊

爲文刻石系以詩曰炎荒之閩閩海濱赫標燦耀光

郁發維王奕葉神再孫首驅虎豹荆荆榛殿此荒服

血趨崑崙手扶烈日開冥昏形弓旅矢昭殊動草木

衣被生陽春漸摩風教俗以淳秀民挺拔宣人文甘

棠蔽芾森若雲翼遺廟今尚存歲時報祀羅酒樽

手薦蕙鬱香苾芬翕張造化參乾坤神靈赫若搏桑

噉

田按洪武八年二月正韻成凡十六卷纂修者侍講

學士樂韶鳳朱謙待制王俱修撰李叔允編修朱右

趙璠朱廉典簿鄒孟達典籍孫賁答祿與權敬孚與

焉其書大旨斥沈約爲吳音一以中原之韻更正其

人所譏李賓之云國初祿祿爲宮詞有以六韻者朝

廷欲治之及觀其詩集乃用洪武正韻遂釋之時此

書初出亟欲行之故也然終明之世亦鮮有遵之者

敬孚詩頗有風致宋景濂稱其文學蔚茂應制諸作

秀野軒圖

高士閒門日日開遠山如髮水如苔幾時脫卻塵中鞅布襪

青鞋屢往來

題慧麓秋晴圖

清遊嘗飲惠山泉客裏披圖思惘然尙憶信安祠外柳蕭條

猶帶汴隄煙

趙搗謙一首

搗謙名謙一名古則餘姚人洪武初徵修正韻出為中都國子監典簿罷歸尋以薦授瓊山教諭有考古

餘事

鄭曉今言趙古則搗謙餘姚人洪武初徵修正韻眾

以謙年少黜為中都國子監典簿同官論事不直罷

歸策考古臺述六書之旨注聲音文字通及易學提

網諸書三百餘卷大臣薦召為瓊山教諭進士

不報還瓊山初謙來京宋濂遣子仲奇受業謙歸仲

瑯校正韻多用其說謙六書之學最精既沒門人柴

廣敬以聲音文字通進學書者心好之莫得而見也

田按孝陵徵修禮書故中書省令天下郡縣舉素

志高潔博通古今練達時宜者四十非深知經術者勿遣

送京其年過五十未及四十年以議論不合借年少

搗謙應召時年二十八當事者以議論不合借年少

斥去殆援此制也余謂搗謙厄類賈生遇榮司馬擢

謙後長陵當採錄奉命馳傳即其家取之此何異

聲音文字通當採錄奉命馳傳即其家取之此何異

明詩紀事卷十四

九

長卿之封禪書也明初之善書者朱孟辨之篆塚趙

搗謙之墨窗最為韻事董良用題篆塚忘食眠秦望并之

才好古喜欲顛一掃世俗書習篆忘食眠秦望并之

眾碧落兼新泉小者案間列大者屋壁懸平生囊橐

貴多充買碑錢功深學既精齒壯志逾堅師法魚藻皆

黑鐵硯磨將穿摹榻累萬祭智承筆忍捐嗟峨細林

茲什龔比蹏筮孫樵文自祭智承筆忍捐嗟峨細林

山雨之瘞其巔聚土封若堂鏡石表為阡實劍賈胡

發玉柙蔓草纏何如篆塚光夜映列星躔管時敏賦

墨窗云君居於越文獻邦家藏金宗石書滿物磨穿青

東西誰獨步君今有志繼絕學砥柱中流見孤注刻

溪百番冰雪光元霞一斗松煤香滿堂賓客看揮灑

風雨颯颯龍鸞翔他若滕用亨之篆書王正仲作歌

胸臆豈若俗工譎魯魚自泰漢參鑿錄古文奇字盪

吾所師荻莖錐沙指畫腹廿年勤苦球妍姿張藻仲

之草書高季迪作歌云昔聞汝東吳精醉傳草聖

醒而驚汝今能飲不滿杓逸氣欲與相噴噴高堂把

筆若把梁長綉一拂悲風生陰垂大澤雷雨過響破

巨映波濤傾皆書苑佳話也

聲音文字通成賦詩

文字聲音歎久訛十年辛苦事研磨誰云沈約知音甚未許
揚雄識字多魯魚從今堪辨析鼎鼐由昔費摩挲總憐朋舊
微鍾子歸卧雲山看薜蘿

張美和一首

美和名九韶以字行清江人元末累舉不仕洪武三
年以薦為縣學教諭遷國子助教改翰林院編修致
仕歸二十七年徵修書傳會選書成遣還有吾樂山

房稿

田按美和在成均有師法與聶鉉貝瓊號為三助洪
武二十七年帝觀蔡氏書傳論象緯運行與朱子詩
傳不合其他注與鄱陽鄒季友所論有未安者徵天
下名儒訂正之兵部尚書唐鐸等舉美和等二十七

明詩紀事卷十四

十

人帝遣行人馳傳徵至特命學士劉三吾總其事余
考實錄所紀與美和同徵者國子監博士致仕錢宰
助教致仕靳權教授高讓學正王子謙教諭張士謨
俞友仁何原銘傅子裕周惟善訓導唐某周實趙信
洪初萬鈞王賓謝子方吳子恭儒士解震生熊劍揭
軌蕭尚仁蕭子尚王允昇張文翰張思哲宋麟竹垞
經義考謂當時修書者尚有許觀景清盧原質戴德
彝皆以死建文之難刪去然考今所傳書傳會選舊
本尚有胡季安門克新王俊華等十一人而無斯權
吳子恭宋麟三人豈實錄所紀但據始事時所徵其
後或去或增互有不同稱之
最善顧亭林日知錄亟稱之

歸隱

歸來江上看青山種柳成陰漸可攀舊夢任隨流水去此身
相伴白雲閒錦囊書帙收千卷金井丹砂貯九還留得玉堂
揮翰手賸題佳句落人間

錢宰三首

宰字子予一字伯均會稽人元進士洪武二年徵修禮樂書授國子助教十年加博士致仕二十七年徵

修書傳會選書成遣還有臨安集六卷

四庫總目錢宰詩吐辭清拔寓意高遠刻意古調不屑為豔仄之體

田按子履各家紀載多有錯誤列朝詩集踏駁尤甚實錄洪武六年三月以儒士錢宰為國子助教

是年命建歷代帝王廟則子撰帝王廟樂章當在此時牧齋敘次以年書傳之後誤一實錄十年三月

國子助教錢宰以年老致仕上敕云助教錢宰學問老成訓導有方在學數年俾有成效年滿七十懇

辭還鄉特授翰林郎國子博士致仕而牧齋云二十七年召校書翰林加博士賜敕遣歸誤二賦書傳時

江東諸門酒樓成賜百官鈔宴諸儒年耄思歸者遣帝大悅遣禮部尚書任亨泰諭諸儒年耄思歸者遣

之宰年最高請留而牧齋云公嘗口占絕句云四鼓

聲起著衣午門朝見尚嫌遲何時得遂田園樂睡

到人間飯熟時明日文華燕畢上面諭曰昨日好詩朕曷嘗嫌汝何不改憂字又曰朕今放汝去好放心

明詩紀事卷十四

睡熟矣公率諸老入拜謝皆遣還此詩當賦於官助教之時而敘次於修書傳之後必無去留聽便之人

忽賦思歸之句自相抵牾誤三四庫提要云臨安集中金陵形勝論未著洪武二十七年六月國子博士致仕錢宰進九月書成六月已先署博士此尤早

加博士之確證又云是致仕即在奉召之年畫書遣歸非致仕也亦小有誤偶不檢耳子詩如畫家淺

釋法雖亦著色不沒骨幹

遊西山

西山一何高有懷在泉石蕩舟渡西泠秋水今幾尺渚花泊

孤橈岸草納雙屐涼風樹上至林影下衣碧羣動亦自營塵

機念俱息邂逅方外人招邀坐深席悠然外死生矧復慨今

昔我客語正深僕夫勸還役川明月初至樹暝山已夕歸人

樵唱來落日墮西壁

題崔彥輝雲林小隱

會稽人元進士洪武二年徵修

霄上平林半是雲索居別墅樂閒身蘋花落日江南唱楊柳
滄灣若下春隔岸青山連罨畫當門綠樹接比鄰外家第宅
相過近內翰風流世有人

畫魚

綠波春水沒漁家楊柳青青拂釣槎三月江南春雨歇一雙
鱸鮓上桃花

揭軌 六首

軌字孟同臨川人洪武初以明經除清河主簿遷知
縣秩滿歸復召主江西鄉試校定書傳會選書成賜

金歸有新河集

田按孟同詩以律體見長可肩隨甘彥初明初臨川
宗派如此洪武二十七年召定書傳會選賜宴酒樓
諸儒獻詩惟孟同詩獨傳

三

題孫氏遺墨軒

宣文學士吾季父草書往往追懷素玉堂多暇日臨池方駕
長沙美無度聞道尊公居豫章亦以能書相頡頏錦囊長紙
霜玉潔清醉時時臨數行山陰別後驚捐館零落狸毫并象
管白鵝池冷綠苔深銅雀視寒清露滿吾廬兵後住江村玉
堂佳帖無一存卻憶君家文獻在香奩犀軸付諸昆

題大長公主林館

主家林館御溝西楊柳扶疎映舞衣玉沼萍開魚上躍繡簾
花妥燕低飛微風翠輦宮中去淡月霓旌苑外歸四海昇平
當此日萬年行樂莫相違

賦得浙江亭送張別駕

銅柱煙銷百粵通故人千里入閩中將軍幙府求高適使者
書詞請石洪野館別時楊柳綠絲毫吟處荔枝紅丈夫許與
誰知已須佐雲臺第一功

秋思

綺窗紅燭淡秋光鳳帳流蘇滅夕香機杼隔花閒翠戶轉轡
臨水凍銀床秋風紫塞書千里月清砧淚數行望斷金鞍
秋又杪芙蓉零落玉池霜

宴南市樓

帝城歌舞樂繁華四海清平正一家龍虎關河環錦繡鳳凰
樓閣麗煙花金錢錫宴恩榮異玉殿傳宣禮數加冠蓋登臨

明詩紀事卷十四

七

皆善賦歌詞只許仲宣誇

詔出金錢送酒壚綺樓勝會集文儒江頭魚藻新開宴苑外
鶯花又賜醕趙女酒翻歌扇溼燕姬香襲舞裙紆綉筵莫道
知音少司馬能琴絕代無

姜南蓉塘詩話國初於金陵聚寶門外建輕煙淡粉
梅妍柳翠十四樓以聚四方賓客觀揭孟回詩可知
國初搢紳宴集皆用官妓與唐宋不異後始有禁耳
永樂中晏鐸金陵元夕詩花月春風十四樓今諸樓

皆廢南市樓尚存
周暉金陵續瑣事太祖造十六樓待四方之商賈士
大夫用官妓無禁宣德二年大中丞顧時佐始奏革
之國初知縣揭公過屠沽市兒之遊樂而已
矣今此樓雖存不過屠沽市兒之遊樂而已
靜志居詩話永樂中蜀人晏振之金陵春夕詩云花
月春江十四樓十四樓者來賓重譯清江石城鶴鳴

醉仙樂民集賢話歌鼓腹輕煙淡粉梅妍柳翠也姜
明叔蓉塘詩話謂皆在聚寶門外然金旣以清江石
城為名必不皆在聚寶門矣周吉父撰金陵瑣事謂

有十六樓在城內者曰南市曰北市在聚寶門外之
 西者曰來賓在聚寶門外之東者曰重譚在瓦屑壩
 中街南者曰醉仙在西關南街者曰輕煙曰淡粉在
 西關北街者曰柳翠曰梅妍在石城門外者曰石城
 日謳歌在清涼門外者曰清江曰鼓腹所載特詳楊
 用脩藝林伐山遺南市北市陳魯南相傳世紀遺清
 江石城因曲就十四樓之目而談也相傳世紀遺清
 書成宴編纂諸臣於醉仙樓上然揭孟同詩云詔出
 金錢送酒墟綺樓高會集文儒題曰宴南市樓則非
 醉仙明矣實錄洪武二十七年八月庚寅新建京都
 酒樓成先是上以海內太平思欲設酒肆以接四方
 部樓成先是上以海內太平思欲設酒肆以接四方
 賓旅既又增作五樓至是皆成賜百官鈔宴於醉仙
 樓是則編纂諸儒先與百官並賜宴及鈔俾馳驛
 還九月癸丑定正蔡傳書成賜諸儒宴及鈔俾馳驛
 樓建後被焚此實錄梅柳翠為然故李公泰叔
 有官妓不獨輕煙淡粉梅柳翠為然故李公泰叔
 通集句詩於北市則云極日亂紅妝於集賢則云妙
 舞向春風於清江則云翠袖拂塵埃於來賓則云煙
 破日初斜於石城則云翠袖拂塵埃於來賓則云煙

明詩紀事卷十四

齒

花象外幽於鶴鳴揚柳日移歌袖而孟同詩云詩
 寫桃花歌扇底酒攜花又云趙女酒翻歌扇溼燕姬
 錦繡鳳皇樓閣麗煙花又云趙女酒翻歌扇溼燕姬
 香襲舞裙行追憶承平都會之盛君臣相遇之隆亦
 一段佳話也

西關北街者曰柳翠曰梅妍在石城門外者曰石城
 日謳歌在清涼門外者曰清江曰鼓腹所載特詳楊
 用脩藝林伐山遺南市北市陳魯南相傳世紀遺清
 書成宴編纂諸臣於醉仙樓上然揭孟同詩云詔出
 金錢送酒墟綺樓高會集文儒題曰宴南市樓則非
 醉仙明矣實錄洪武二十七年八月庚寅新建京都
 酒樓成先是上以海內太平思欲設酒肆以接四方
 部樓成先是上以海內太平思欲設酒肆以接四方
 賓旅既又增作五樓至是皆成賜百官鈔宴於醉仙
 樓是則編纂諸儒先與百官並賜宴及鈔俾馳驛
 還九月癸丑定正蔡傳書成賜諸儒宴及鈔俾馳驛
 樓建後被焚此實錄梅柳翠為然故李公泰叔
 有官妓不獨輕煙淡粉梅柳翠為然故李公泰叔
 通集句詩於北市則云極日亂紅妝於集賢則云妙
 舞向春風於清江則云翠袖拂塵埃於來賓則云煙
 破日初斜於石城則云翠袖拂塵埃於來賓則云煙

明詩紀事卷十五

貴陽陳田輯

寺神 **甲籤**

朱同一首

同字大同休甯人學士升子洪武中舉明經為徽州

教授復以人才舉召為吏部員外郎擢禮部侍郎坐

事死有覆瓿集七卷

員法云四十一卷四十五卷

四庫總目覆瓿集有范攄跋稱同洪武中以人才舉為

東宮官尋進禮部侍郎而同時范攄作雲漢歸隱圖

跋則云由吏部員外郎升禮部侍郎準字平仲嘗受

業於同之父升與同交至契所記宜得其實又明史

但載同坐事死而不著其詳蔣一葵堯山堂外紀乃

云同以詞翰受知宮人多乞書便而一日御溝有浮

尸帝疑之遂賜死其說頗荒唐未可信也集凡詩三

卷多元末之作爽朗有格文四卷議論純粹不愧儒

者之言 **明詩紀事卷十五**

田按黃瑜雙槐歲抄稱大同父升得六王之奧生子

同升課之日此子後必遭婦人之禍天兵過嶽高皇

帝素知升名召問遂預帷幄密議臨行問所願欲升

不淺矣後同任至禮部侍郎善詩翰火被寵遇禁中

畫壁多其題詠或因念允升之請令其自經王課精妙

上疑之將殺同因念允升之請令其自經王課精妙

亦至於此與堯山堂外紀所言同一趨朝五十檢覆章

題畫

老蚌參天勢欲動古樹錯立交隆從清溪雨過生碧雲隔岸

嵐光入檐重小亭臨水清且漣怪石翠溼苔蘚妍倚欄讀書

兩忘言豈應未了黃庭篇

散步至楓林

信步尋春不知遠小逕委蛇繞平巘雨餘翠滑石磴危青梅
如豆低垂枝屋上青山壓簷重風裏幽禽時一弄主人不歸
柴門關山犬認人自迎送花落烏啼白日閑依微機杼鳴林
間徘徊不覺歸來晚淡黃落日啣空山

登子陵釣臺有感

清曉扁舟維岸陰百年幾渡來登臨遊人仰扳石磴險飛臺
俯瞰滄波深客星帝座一時事江水雲山千古心哲人去矣
不可見擊劍空作秋龍吟

歸故宅

曲曲清溪來往頻故園又得見先春筍穿舍北竹繞屋梅倚

明詩紀事卷十五

二

墻頭花笑人泉石幾家供客眼江山萬里暗兵塵由來軒冕
多翻覆澗水松風未是貧

上江山中卽事

山上青山樓上樓結構高下倚林邱通幽一逕苔蘚滑壓檐
四山空翠流松梢滴露作疎雨嵐氣入簷生早秋我來暫下
陳蕃榻一洗生平今古愁

至楓林登東山樓有感

樓隱喬林白日長桂花不斷四時香山蒸嵐氣作朝雨竹引
水風生晚涼身在豈應愁計拙興來豈復動詩狂東山一爲
蒼生出贏得人間話幾場

上巳日苦雨寄汪彥暉

三月三日苦泥湓春遊無計令人愁雲低暮色近垂地風捲
濤聲遙撼樓青天白日定何所急雷轟電方未休最憐桃李
花開處雨橫風狂不自由

題琴趣軒卷

淨几鑪煙晝靜小齋花氣春酣莫作商聲秋調鶯啼三月江
南楊柳

泛舟嚴陵

雨聲徹曉收不住船頭水高三尺強只須多買威平酒中流
擊楫歌滄浪

楊妃上馬圖

錦鞵銀鞍映綺羅開元猶是舊山河海棠春暖嬌無力寫向

明詩紀事卷十五

三

生綃恨轉多

墨菊寄方山程德明

方山處士別我久每挹高風晚節香賴此鷺谿三尺雪寄君
日日作重陽

竹枝詞一首

郎心恰似江上蓬昨日南風今北風妾心恰似七寶塔南高
峯對北高峯

茜紅裙子縷金紗多在湖船少在家黃衣年少不相識白日

敲門來索茶

鄭潛五首

潛字彥昭歙人元季爲泉州路總管洪武初除寶應

初召拜禮部侍郎以親老辭歸再徵爲溧陽教諭有
樵海稿

田按邢子愿云前代拓帖墨後微以駱駝油少澤之
其光可鑒而無卵清醲粘氣文仲送殷孝章之咸陽
詩云故國已消龍虎氣斷碑猶打駱駝膏入詩頗新

花遊曲

館娃宮裏春迷濛雜花芳菲嬌亞風油壁香車度花裏笑解
珠纓被春水水邊小艇忽到門鱗鱗綠濺金鴉裙尤雲帶雨
踏歌步春風喚愁花下墓流光去去不復來縹酒且進芙蓉
杯鷓鴣珠申落碧瑛枕鳳槽聲催紅玉板宴遊未終山日西柔
纖捧硯索新題風流文采瑀林使肯數玉人裴十四宮中分
散五雲箋更賜一曲曉山篇

明詩紀事卷十五

三

六視齋筆記至正戊子三月十日會稽楊維禎同貞
居張伯雨諸人遊石湖有侑者瓊英與坐各爲花遊
曲一章詞情美麗實一時之盛莫氏修石湖志乃以
爲穢而去之文太史徵仲深爲惋惜特作蠅頭細書
錄成卷仍爲補圖留作山中故實余謂志乘成於一
人之意修改不常如此瑰璋之詞托於志不若托於
太史之寶圖名翰爲不朽余愛其詞一錄之
田按竹懶所錄者楊維禎顧阿瑛郭翼袁華馬慶陸
仁秦約于立並徵仲竹懶追和之作今僅綴鐵崖原
唱及袁文李三詩於文仲之後鐵崖詩云三月微湖
春濛濛滿江花雨溼東風美人盈盈詩云裏唱微湖
煙與湖水水天虹女忽當門午光穿滿海霞裙美人
凌空躡飛步步上山頭小眞墓華陽老仙海上來五
湖吐納掌中杯寶山枯禪開茗碗木鱗吼羅催花板
老仙醉筆石闌西一片花飛絮粉題蓬萊宮春江報
月篇子英詩云煙雲撲霧搖空濛遊絲剝絮紫柔風
木蘭載春石湖裏手弄瓊英翳春水鐵笛仙人招羨
門簾旌小隊青霓裙凌波雙飛動微步冶情漫憶鴛
鴦墓踏青擗鼓能幾來便須一飲三千鳥血色啣葡
萄凝水枕鸞袍催徹紫牙板須旗纓紗青鳥西口啣紅
巾絨舊題瓊林宴中探春使體子遠巡賜緋四醉攜

翠袖寫銀箋不數公子花遊篇徵仲詩云石湖兩歌
山空濛美人卻扇歌迴風歌聲宛轉葦花榴裙遺蹤
來天拍水當時仙伯醉雲門酒痕翻汜石榴裙遺蹤
無復芳塵步湖上空餘昔人墓昔人旣去今人來千
載風流付一杯雪藕銀絲薦冰梳蛺蝶穿花逐歌板
夕陽剛在畫橋西一段春光屬品題傷心不見催花
使只有黃鸝啼再四無限春愁誰與箋仙人會唱紫
霞篇竹嫩煙花裏屬玉飛飛雙濛十尋錦纜石湖風
蘭橈雪腕煙花裏屬玉飛飛雙濛十尋錦纜石湖風
門纖句蹙蹙縷金裙山腰巧作迴鸞步眞珠雨溼埋
香墓凝眸卻扇花片來輕紅縹緲浮春杯玻璃百坡
青瑤梳纓笄廚開玲玉板海月吐東潮捲西琵琶重
撥潯陽題尋花怕遣蜂作使狼藉胭脂愁數四絨愁
悉付研光箋勞勞絮絮託春篇

漁莊欸歌

公子漁莊秋氣高灣灣野水曲塘坳隔林月出車輪大照見

花間翡翠巢

金菊粉葉秋水濱恰如生色畫屏新蕩舟直過紅橋去小隊

明詩紀事卷十五

四

遊魚不避人

桂彥良 二首

彥良名德稱以字行慈溪人元進士爲包山書院山

長改平江路教授洪武初徵授太子正字尋爲晉府

右傅改長史追贈編修諡敬裕有清節清溪春和詠

言山西拄笏老拙和陶中都紀行等集

送田仲茂宰西川

天門傳制拜新除西入成都萬里餘江上好風吹去棹邑中

故老候來車巴園五月收丹橘丙穴三春饌白魚卻憶文翁

遺化在何因公暇說詩書

靜志居詩話長史以德望重韻語非其所長然如巴
園五月收丹橘丙穴三春饌白魚亦小有風致吳江

山色史明古爲作傳稱孝陵嘗咏蝌蚪云池上看蝌蚪分明古篆文命長史續之應聲曰惟因藏水底秦火不能焚可稱敏絕

送顧謹中少尹赴荊州

會讀皇明混一篇煥如霞錦濯晴川長才合置鸞坡上秀句新傳鳳榻前斗邑爲丞資薄祿扁舟奉母念高年艱難自少今成立未必哦松讓昔賢

田按謹中皇明混一頌頗有時名解大紳云臣箝近奉內廷獲觀所御書籍見其題曰顧祿詩集二編此詩秀句新傳鳳榻前當卽指此事也

范準二首

范準字平仲休甯人洪武中以明經舉爲休甯訓導擢

吳堡知縣遷工部主事有齎甕悉白何陋軒西遊諸

明詩紀事卷十五

五

藁

無腳雞有序

山行見田家伏雌無腳鼓翼而行詢之晨牝也戒其

家烹之賦此紀異

羣雞唱罷山月落一雞峩冠卻無腳脰脰膊膊轉雌聲乃與雄雞相對鳴有翎飛不高無足胡能行徒爲牝晨禍家庭羽毛之孽何由生氣淫暹乖非祥禎德輝之鳥翔千仞安肯下食共爾相喧爭

題小畫留別韓文忠二尹

夜來夢到吳塘路月冷霜寒白雁啼今日題詩看畫處隔江山色是淮西

林到朱模一首

模字子範休甯人官六安州判洪武三年捕賊遇害

有白沙行藁二卷

宿羊舌城

舒蓼皆侯國春秋用甲兵晚炊投野店日落弔荒城古渡漁

燈滅陰房鬼火明愁來不成寐欹枕聽雞鳴

方時舉 三首

時舉初名槐又名樸以字行莆田人洪武初官興化

訓導有方壺集

田按閩中有壺山文會初會九人宋貴誠方樸朱德

善邱伯安蔡景誠陳本初楊元吉劉晟陳觀續會者

十三人陳惟鼎李苾郭完陳必大吳元善方炯鄭德

孚黃性初黃安陳熙方坦葉源中釋清源月必行會

賦詩彈琴清談雅歌以為樂余始見福建通志有方

樸等壺山文會集速檢鄭王臣蕭風清續集而其事

始詳凡與會者共二十二人錢牧齋列朝詩集稱郭

完元末隱于壺山與方時舉等十二人結社王臣譏

其失考以閩人考閩事此固其專長耳壺山會中詩

多雅者以較十才子詩方樸莆陽人物志二卷此後又有

志福建通志既錄方樸莆陽人物志二卷此後又有

方時舉莆陽人物志二卷歧為二人誤矣

普覺堂

普覺有何好秋來事事幽風檐落相子榕葉覆溪舟隱几山

當戶翻經月到樓誰為姑射牧茅屋隔滄洲

和陳廷中避地南泉

思君時復上寒岩十月林巒尙翠嵐溪竹裁成綠玉杖石橋

拄過白雲菴客懷最與山僧似時事難從野叟談卻憶當年

杜陵老卜居正近浣花潭

百詩會日懷雪巢石溪二君卧病

年來自覺親朋少今日相逢白髮多風雨棲遲一樽酒令人

長憶病維摩

陳觀一首

觀字莒峯莆田人洪武初以薦官陝西右參政有轍

耕吟稿

鄭王臣蘭陔詩話莒峯應召至京朝謁太祖顧問曰

彼長而哲者何人莒峯出對試以王猛捫風論稱旨

授陝西右參政在官以清介聞朱竹垞云洪永間有

四陳觀獨不及莒峯偶失考耳莒峯少預壺山文會

詩有唐人風致

明詩紀事卷十五

七

與方履道會陳岩紫雲蘭若是且方用晦釋清源諸人

佳侶在何所遠渡溪之澗齊攀仙巖雲共宿瓊樓雨素琴奏

劉晟一首

晟字性存莆田人洪武中以薦官南陽知縣

田按性存入壺山文會詩最傑出惜不多見

真率會

炎靈運元化衣冠集芳辰晡晡斯達尊濟濟凡七人琴瑟既

在御豆登亦復陳旨酒式燕樂太羹薄肥珍登歌間行葦稱

觴壽千春德將諒無醉既醉不失真陶然宇宙間蠅菌焉足

論光風泛蘭蕙好鳥鳴及晨江漢日云遠道義日益親覽圖

百載下安得風再滄願言繼遺響遙睇洛水濱

賀守約二首

守約字禮齋永新人明初薦授永新教諭改光山有

禮齋詩集

永新學署有感

一曲鏡湖在衣冠六百年家貧無負郭世守有殘篇竹下紉
蘭佩雲根漱菊泉相期歲寒在梅石共清堅

遊禾山龍門溪

秋山蒼翠接空冥七十一峯如畫屏雁塔遺基藤蔓紫龍門
題墨薜花青幾從石上看棋局仍向雲間刷茯苓鶴隴幸容
孤迹任天書何事又巖扃

龍玉泉

明詩紀事卷十五

八

玉泉字雲壑永新人明初舉賢良方正官知縣

題南臺

秋松落層陰秋水蕩寒碧一曲紫瑤琴空山暮天寂

文魯麟一首

魯麟字東魯永新人元至正丁亥鄉舉洪武初舉賢

良官永新學正有筍峯集

七馬圖為貢叔英題

吾聞渥洼水接銀潢碧產此八駿無人識當時周滿欣得之
要令四海皆轍迹就中一匹真奇絕從駕不受黃金羈一朝
逸去收不得飄忽雲霄攢四蹄其餘七匹皆神駿一具
真龍性五馬渡江一馬隨齧草飲泉筋骨勁一馬振鬣當風

前目光夾鏡尻睢圓攬身正面如人立奚奴敏捷那能鞭玉
堂學士蕭夫子筆端獵獵霜風起金鑾草制有餘閒寫此驍
騰世無比中郎愛馬仍愛圖揭來一見爲嗟吁致之座右重
珍惜芸窗把玩時卷舒我今作詩爲題品不見驂駟空見影
安得若此毛骨千萬羣埽空沙漠清龍庭

杜隰一首

隰字宗原松江人洪武初官贊禮郎使緬還擢禮科

給事中有雙清集十卷

輿憲

王昶青浦詩傳明初南緬不庭宗原奉詔撫之緬人
馳金帛而求題詠者車滿郵亭歸而達諸朝太祖爲

出石酒製御府持正與具出難送窮蜀參政門蘇夫土賦
吾愛懷古

明詩紀事卷十五

九

吾愛陶彭澤蕭然遺世姿高情託雲鳥苦節寄東籬饑驅時
出戶酌酒卽成詩五男俱用晦三徑獨透池門種先生柳臥
與羲皇期斯人悵已矣清風長在茲

任原一首

原字本立休甯人明初以武功厯官至顯武將軍雄

峯翼管軍萬戶有集

文書

田按明初休甯文士以武功顯者有任本立原俞子
茂榮子茂鎮禾川有威歸其平符溪雲陽李祁上作云

甘肅

其渠魁誅黨惡數十人平民縱遣還舍豬羊雞犬悉
令認辨給還民大欣悅公旣還府賓佐咸集獨留儒

生塵

咸和乃緝成卷僕從寮賓之後和之曰溪橋石路不
賦陽春已擒渠惡從臬首未死么麼許乞身德意已

瓜賦書

字威力善愧無椽筆紀蒼珉子茂文采不及本立因錄本立詩附見其事於此

送舒從事還南海

老逢離別倍傷情一騎臨秋復遠行
客路驚心孤雁影家林入夢斷
猿聲珠崖落日天低海銅柱雲寒
雨過城翻憶舊遊多感慨獨嗟書
劍誤儒生

幽谷王善慶一首

善慶字敬東容州樂會縣人非羣定檢寄選

滄南山善慶字士積歙人有秋齋野趣日登巖同離雨今辛

過週流寺大辛

雲埋殿閣週流寺春水衝撞復到山
僧衲挂枝庭樹老禪床搯石洞雲
閒久無山鬼吹燈火時有淵龍護
法壇我亦長歌來徙倚滿襟清思
隔塵寰

明詩紀事卷十五

十

吳舜舉一首

舜舉字士源歙人洪武初以耆儒舉授徽州教授有

石溪吟臺

寄涇安徐大年

歙南山去一百里秋盡春來信不聞
昔日登樓同聽雨今年幽谷飽看雲
管甯豈是遼東客伯樂曾空冀北羣
安得俗塵長謝卻挾書林下共朝暉

入楚黃思永一首

思永字永甫田人洪武中官福安教諭

瓜地書廬僻柴門闕碧流波光搖席冷山色入簾幽琴撫聽

老圃書堂

瓜地書廬僻柴門闕碧流波光搖席冷山色入簾幽琴撫聽

黃鶴樽開近白鷗芳鄰有如此宜爾賦歸休

蔡景一首

景字元昶江陰人徙居松江

贈略道權上人

客邊相見雪盈頭蓬底談詩紀昔遊百里雲山黃葉寺十年
鷗鷺白蘋洲雨花風暝香生座梵唄風清月滿樓昨夜南湖
秋水漲浩歌又上木蘭舟

柯欽一首

欽字叔敬莆田人洪武中官興化訓導有采薇集

蘭陔詩話欽自號深隱老人詩源出晚唐其七言如
空城落木羣鴉噪斜日西風瘦馬行亦高唱也

覽岡仲旅吟藁有感

明詩紀事卷十五

十一

故里歸來夢寐空客懷偏在苦吟中三年枕畔梧桐雨一夜
江頭杜宇風日暮荒阡松樹綠春深廢圃海棠紅朱費碧瓦
輪時世粉蠅差差過屋東

伍衡一首

衡字時敏莆田人洪武中官增城知縣

蘭陔詩話前輩稱時敏歌行麗縟奇崛有溫李遺意
近體充瞻英美惜其集散佚不傳

和連汝信

習靜幽齋絕外思景清情曠兩相宜風薰花氣晴侵夢雨漱
溪聲寒入詩魚近碧闌人狎見鹿眠香芷客來疑時時懸榻
需君至此興旁人未必知

王子魯一首

子魯自號笙鶴道人高唐人洪武中官河間教授

馬灣曉月

古河一曲環會隄天光滉漾浮玻瓈漁翁待旦掉船去白鷗

飛過黃蘆西

黃孟良一首

孟良名德貴以字行莆田人洪武中徵辟授松陽主

簿擢知縣有老圃居士詩稿二卷

九鯉湖

人已昇仙鯉化龍伊誰湖上搆仙宮石遺丹鼎潺湲裏煙鎖樓臺縹緲中青鳥去來猶夜月碧桃開落自春風此行非爲

邯鄲夢擬向橋頭問石公

明詩紀事卷十五

七

蘭陔詩話孟良洪武三年被徵以不識字辭仇家上其九鯉湖詩械繫至京太祖覽詩稱善卽日除官亦云厚幸後竟坐事謫戍

余師孔二首

師孔字愚軒莆田人洪武中官興化訓導有文安集

二卷

山居偶興

結屋深山中山深四時樂幽居不記年只看花開落扶筇來石室空谷絕人行不辨入山路惟聞啼鳥聲

徐松一首

松字喬年上虞人洪武中福建按察僉事

擬孟浩然永嘉上浦館逢張八子容

逢君懷往事對酒話多時
荒館天涯夢殘燈醉後詩
沙城臨海國人語雜蠻夷
共歎浮蹤遠相看但莫悲

彭友信一首

友信字以實攸縣人
洪武初貢生召對稱旨授北平
布政使有方伯集

宋丞相文文山三月三日獄中遺墨

崖山雲寒海舟覆六載孤臣老
幽獄東風唳鳩三月三五陵
望斷春蕪綠長帆昔挂秦淮船
手持一柱擎南天閒關嶺海
血灑檝回首家國如飛煙
六宮粉黛黃沙裏漢火無光吹不
起全軀肯學褚淵生嚼舌甘爲
梟卿死落花上巳風雨時展
卷如對麟鳳姿再拜酌公金屈
卮有口不讀蘭亭詩

明詩紀事卷十五

三

王瑄二首

瑄字汝器長洲人立中子洪武中吏部主事

田按洪武時有兩王瑄一字汝器長洲人一字宗器
長山人洪武實錄六年正月甲寅以舉人張雅王輝
李瑞張淵爲翰林院編修蕭韶爲祕書監直長繼又
以王瑄張鳳任敬馬亮陳敏俱爲編修是時天下舉
人至京太祖欲造其才擇其年少俊異者皆擢編
修賜冠帶衣服令入禁中文華堂肄業詔太子贊善
大夫宋濂等爲之師濂集有華堂肄業詔太子贊善
字宗器其先太原人今家濟南之長山洪武五年以
易經舉進士山東名列第三既上南宮未試皇上召
見便殿親命題賦詩成稱旨擢史館編修入文華
堂肄業詔翰林老臣爲師朝夕使瑄攝御史廉察河
南歸奏對稱旨錢牧齋列朝詩集錄瑄器詩誤援宗
器事敘入仕履云洪武壬子以會試舉子簡授編修
肄業文華堂後爲吏部主事蓋不知山東別有一王
瑄牽合爲一踏駭可哂又黃瑜雙槐歲抄敘文華堂
肄業事云水東日記以王瑄爲姑蘇人蓋誤則誤又
不自牧齋始矣宗器有醉學士歌余已錄附張雅詩

春日過溪山訪良夫先生

伊余蹇世用野性遂成疾欲追故人蹤忘此山水癖茲晨屬
休暢曳杖窮閱歷愒息嘉樹林逍遙美泉石洞庭縱矚覽鄧
尉屢攀陟平湖汎晴波青苔印行迹靈霄曠清溪煙霞閉幽
寂愛茲風日佳樂與禽鳥得宛彼二三友獲此竟晨夕興盡
復言旋賦詩寫良覲

近過山中耕漁軒得相款曲登覽之餘兼辱庖廚之擾

言笑啟沃深慰夙昔歸坐茅屋唯有馳戀而已輒賦

五言奉寄

佳會良不易清遊踐前期留連閱信宿登眺自無時山川有
餘覽風物良足娛感子情誼篤具饌揚清卮高軒過疏雨水
木澹晴輝列坐盡羣彥言笑一解頤心目共開豁神思亦忘
疲歸來青山下相望如渴饑宴坐白雲裏與世終永辭

徐裕一首

裕字用貴上虞人洪武中高羅巡檢

武陵泛舟

移棹武陵路桃花澗水分人家春鳥樹樵唱暮山雲沙渚飛
鷗鳥溪田過鹿羣到來機事息不道世紛紛

徐禮一首

禮字用和上虞人洪武中孟縣主簿遷縣丞

渡荆門望楚

亂峰前路迴旅況正紛紛落日荆門望青天楚國分荒城迷

郢樹孤棹入蠻雲誰念天涯客西風見雁羣

陳山 一首

山字伯高上虞人洪武中瓊山知縣

竹枝詞

桃葉扇寫竹枝歌搖曳清江照翠娥
夾岸芙蓉秋水闊薄暮雲生愁思多

明詩紀事卷十五

五

雲生愁思多
桃葉扇寫竹枝歌搖曳清江照翠娥
夾岸芙蓉秋水闊薄暮雲生愁思多

山字伯高上虞人洪武中瓊山知縣

刺山

樹孤人煙盡誰念天涯客西風見雁羣

明詩紀事卷十六

賞陽陳田輯

甲籤

藍仁 十六首

仁字靜之崇安人明初徙濠尋放還有藍山集六卷

杭世駿榕陰詩話二藍集閩人無知者何氏闕書為

十有藍山集藍中詩派實其昆友倡之集本合刻吳明

經焯嘗於吳門買得藍山集是洪武時刊有蔣易張

輯晉安風雅時二藍關焉則此集之亡久矣

正統二年丁巳秋八月朔嘉議大夫禮部左侍郎陳

瑁序洪武庚辰歲花辰日武夷文西江吉水倪伯

文序雲松樵者張架序橋山真逸將易序計詩六百

祖奇遠編集前有至三卷明藍智撰題曰友生程嗣

西夏張昶序張架題蔣易序計詩五百餘首案兩集

明正統以後無重刻本故流傳甚少乾隆中開四

庫館亦無人進呈館臣從永樂大典抄出著於錄藍

山集得詩五百餘首藍澗集得詩三百五十首此從

集刻原本抄出藍山集多較大典不言所據為何本前

近閩中郭萊秋主事重刻二集相符合即大典傳

無原序核其詩與提要著錄之數相符當即大典傳

抄山也藍山集誤收藍澗詩五十餘首往有此非館臣

藍山詩三十餘首永樂大典纂諸大典草率之故

田按竹垞稱藍大典纂諸大典草率之故

初雕本刊正而陸氏儀顧堂題跋所謂郭氏新刻藍
山集誤收藍澗詩五十餘首者中如秋懷先生暮宿秋
家正月十四日西山感輿風雨不家懷秋先生暮宿秋
懷鄭居貞西山暮歸歸山中雲峯秋霽圖高彥敬
畫楚江春曉圖贈魏士達諸詩竹垞詩綜均錄作藍
山詩正與郭氏本一相合大陸氏所據又與竹
垞所謂選家誤有參錯是本相同各據所見紛如聚
訟今亦不能定為誰是誰非也惟陸氏本藍山集多

有倪文伯序藍澗集多有張昶序又二集詩各多至百五十餘首此亦足廣異聞耳藍山骨格老蒼藍澗音節高亮二人才力各不相下余錄明人之兄弟稱詩者當以二藍爲開先矣

余復嬰近以方壺所寫大王峯轉惠暇日展玩殊有幽趣因題長句

方壺畫山世有名生紙一幅塗縱橫孤峯倚天旭日上危石
拔地秋風生壯遊曾來拾瑤草夢裏武夷青未了紫陽五曲
石門荒金老三間茅屋小興來放筆起層巒萬仞嵯峨咫尺
聞龍洞雲煙含宿雨鶴壇星月滿空山武林道士余三一來
渴松根講周易十年不出鬢垂絲九轉將成眼如漆新圖千
里寄神交東南一柱青天高願授神方服石髓共聽仙樂鳴
雲璈閒窗持贈深有意念我衰年住污世便欲呼兒挽鹿車
從此相隨入蒼翠

明詩紀事卷十六

二

里寄張雲松

關塞風塵暗山林出處難生涯謀釣艇世事笑儒冠有酒判
長醉無衣度苦寒南山有奇士扣角夜漫漫

題吳德陽山水小影

雲山分遠近水石助清幽老眼看名畫深懷似故邱草迷行
鶴徑藤引釣魚舟賣藥忘機者無人識百休

病中

卧病秋將盡艱難日又增夜深方著枕戶遠更留燈鄰畏呻
吟近僮來抑按能有身應有患空寂未如僧

代毛生答

浮世容身狹韶光過眼非瓦盆盛社酒榭葉製秋衣禮節休
拘束漁樵乞放歸前林逐麋鹿未與素心違

九日西莊懷弟

衰年無力遠登臨短杖扶持叩竹扃雨過林間雙澗碧雲消
天際一峯青黃花寂寞憎詩瘦白髮淒涼畏酒醒心把茱萸
思骨肉雁聲孤起夕陽汀

雪中偶成

背郭茅堂早閉門天寒獨戀溫袍溫琴書散漫無賓客稼穡
艱難有子孫竹杖稍能扶病力梅花強欲惱吟魂蹇驢踏雪
如堪借行盡溪南數里村

春日憶章屯故居

明詩紀事卷十六

三

衰年長愧北山靈春日題詩憶翠屏茅屋也從人借住柴門
不爲客來扃林陰嵐溼藏書架爐冷苔侵煮茗瓶惆悵閒窗
中悅在孤墳宿草已青青

題西山菴

空山寂寞守巖扃獨鶴棲傍草亭曉鏡又催霜雪白秋衣
不換菱荷青仙人住處多栽藥野老來時或負苓同氣雕殘
衰朽在百年光景似晨星

送貢祕書入京

滄海樓船衛百靈祕書領旨赴朝廷近開東觀延卿月舊入
南閩識使星一代文章推大手百年禮樂抱遺經蓬萊不許
凡人到空想藜光夜夜青

次雲松長山道中

人煙蕭索石田荒茅屋低斜倚
礪岡雪裏送租衝虎過雨中
乏食學蠶彊三丁編戶衣裝急
百欵沿村土木忙懶共老農
談世事自搔短髮對斜陽

賦網巾

白頭難掩雪霜蹤
纖手穿成絡索同
映帶暮年微矍鑠
遮藏秋色久
鬢髮牽絲祇訝蛛
臨戶覽鏡翻愁鶴
在籠便與黃花相見好
不愁破帽落西風

靜志居詩話網巾之制相傳明孝陵微行見之於神樂觀遂取其式頒行天下冠禮加此以為成人三百

明詩紀事卷十六

四

藜杖稱世間還有葛天民一云故人念我鬢毛疏結網裁巾寄傲廬白雪盈簪收已盡烏紗著紙畫難如

寄明之弟

秋風長作客南望一沾巾
茅屋生春草歸來相對貧

古木蒼藤圖

風雲氣質雪霜蹤
獨立空山慘淡中
慚愧藤蘿爭附託
年年

春色換青紅

和雲松雪中二首

夜雪茅簷積漸高
傍林時聽折危梢
南山石上雙松樹
莫更

動搖仙鶴巢 志空言奇兼賦詩百千鐘各殊寶可復賦

亂來雙鬢俱成雪對雪疑窺鏡裏顏明日春風消釋盡祇留

鬢影對青山

藍智 三十八首

智字明之仁弟洪武中用薦授廣西按察僉事有藍

淵集六卷

四庫總目藍智詩清新婉約足以肩隨其兄五言結體
高雅儵然塵外雖雄快不足而雋逸有餘七言頓挫
瀏亮亦無失唐人矩矱
筆精武夷藍明之詞智永樂中辟為廣西僉憲與兄
布衣靜之齊名詩詞皆逸雅有唐風嘗見其書銅雀
臺瓦詩於建陽友人處可泣鬼神詩云曹瞞騁志吞
劉社銅雀臺高瞰中夏徒知扼腕有卧龍豈料垂涎
已司馬萬里河山尚出師九原魂魄歸何時清秋風
荒滿陵樹落日笙歌空總惟翠蛾紅袖恩情絕廢冢
荒臺狐兔穴空餘片瓦落人間千載奸雄磨未滅

明詩紀事卷十六

五

明三十家詩選明之五律老成鎔鍊卓然長城殆駁
駁欲度哲兄前矣

田按藍淵集 四庫錄本僅三百餘首余所得藍氏
刻本多百餘首前有張昶序與陸氏儀顧堂本同昶
序云崇安藍明之長於詩古彷彿魏晉當代時已名
句豪健五言溫雅和作詩在至正壬寅當元時已名
重如此明之集中有贈張尚書四十韻即贈昶也藍
淵佳什琳瑯滿目詩綜所錄寥寥特備錄之以補其
缺杭堇浦謂二藍集閩人無知者殊不然曹石倉廣
西僉憲在洪武十年徐氏筆精謂永樂中辟為僉憲
誤矣

述懷

煩憂不自整出門欲何之遙登西北邱悵望滄海涯興隨積
水極心與浮雲馳喬木無留葉流光去如遺昔感倉庚鳴今
聆蟋蟀悲諒非金石軀齒髮日夜衰斗酒呼良朋為樂當及
時聖賢不得志空言竟無施徒有千載名寂寞何所知

飲酒

鳳凰翔千仞，鷓鴣巢一枝。達士志常高，鄙夫懷其卑。富貴雖
所願，貧賤亦所宜。聖賢有中道，千載誰與期。采采東籬菊，晡
晡南山芝。我酒日已熟，我杯時一持。醉來望白雲，朗詠貧士
詩。峯巖酒壺中春舉林開賦即詰吳錢皇八獄鳳皇來青
阿平廢井山蕭書谷求才寒巢變青愁烟曾五橋屬詩

靈源洩陰岑，古螭涵清樾。波濤逗海眼，疏鑿當山骨。陰凝龍
蛇氣，冷浸鼃鼉窟。餘潤滋稻梁，清涼颯毛髮。豈知陵谷移，泉
源有壅遏。非無涓滴流，竟爲泥沙汨。莓苔空青青，鼃黽日相
聒。輾轡卧枯桐，迴首腸內熱。况當朱鳥中，炎風毆旱魃。我圍
就焦枯，嘉蔬幾生活。憑軒望雲雨，神物竟寥濶。安得神禹功，
於焉引溟渤。當令顛涯人，自此無饑渴。黃寒斷交野輒禹紅

題黃道士仙巖茅屋圖
仙巖正窈窕，茅屋何蕭爽。道人日暮歸，瑤草春來長。雲氣自
舒卷，鳥鳴時上下。渺渺武夷君，千峯入遐想。對谷

廬山

何年李謫仙，讀書石床下。雲巢雙青松，秋色正瀟灑。時登五
老峯，獨酌壺中春。舉杯問淵明，誰是羲皇人。鸞鳳望赤霄，蛟
龍卧空谷。蒼崖漱飛泉，欬唾成珠玉。顛倒雲錦袍，酣歌漫揮
毫。文光一萬丈，更比廬山高。一落五湖上，秋風怨華髮。千古
不歸來，長庚夜如月。對巖士志常高猶爽其巖高貴誰

暮經零陵望愚溪懷柳司馬

湘川入零陵百里盡崖石野曠生夕陰山空澹秋色緬懷柳
河東微宦曾遠謫才名一代雄文藻萬人傑朝游愚溪水暮
返愚溪宅當時嘯歌地千古仰遺迹草木含清芬山川曜潛
德鼓泄下中流江清月華白

忻城公館

清暉抱迴洲密竹何瀟灑雖有公館名頗類村居者茅屋三
四家寂寞無車馬縣官坐堂上猿人立堂下風俗自強獷衣
冠真鄙野俾之知逆順責在任民社慎勿示姑息善政資陶
冶疊嶂不易青臨風獨悲咤

舟中望長洲田家

積流會澄川浮沙互長洲上有嘉樹林下有良田疇漁樵自
留

明詩紀事卷十六

七

成村桑麻翳榛邱犬吠林巷深鳥鳴田舍幽落日負耒歸涼
颺蕩輕舟斯人亦何者樂哉以優游羈懷迫道路悵望徒淹

送閩縣史邱子庸回三山

我昔南遊訪蓬島越王城郭生芳草釣龍臺下晚潮空道山
亭上秋風早朱樓綺戶歌太平邊塵不驚河水清祇將六籍
論經濟何用萬里求功名豈信流光不相待風景未殊人事
改羞將藥裹對青山獨向雲林望滄海浮邱之子黃鶴姿羽
人曾作滄海期醉持瑤草渡弱水笑接白雲來武夷昨朝別
我三山去卻憶當年舊遊處世事悠悠西浦波愁心歷歷洪
塘樹人生行樂在青春出門四顧多煙塵少年裘馬誇意氣

自古文章難致身山川蕭瑟年華晚季子貂裘雪霜滿扁舟
何處夢相思日落江空雁聲遠

相逢行贈徐剛中之建甯兼柬黃彥美總帥

去年逢君紫霞洲今日逢君滄海頭逢君處處好顏色歎我
年年長作客被褐昂藏七尺軀蟠胸磊落五車書姑蘇臺北
曾走馬越王城南還釣魚看花夢想揚州遠采藥歸來杏林
晚堂上慈親鶴髮長塔前幼女鵲衣短見君雖貧不解愁結
交盡是豪俠流侯門咫尺恥干謁客路尋常歌遠遊我亦扁
舟滯江浦握手相看總羈旅千年龍劍蝕塵泥三月鶯花老
風雨明日洪塘又送君離亭詩思正紛紛黃壚有酒莫漫醉
待余同擬梅仙雲

明詩紀事卷十六

八

丹崖歌崖在大花灘之上西去零陵五十里望之若雲

錦然

斷崖千尺雲錦懸芙蓉薜荔搖空煙珊瑚鐵網相鉤連赤豹
下搏蒼龍淵旁有石穴疑可穿洞門深鎖朱陵天我欲徑入
求神仙丹光出林夜赫然紅葉如雨墮我前青鳥飛去何時
還我方持節西南偏石壁有路無由緣赤松黃石書可傳桃
花一笑三千年

老君洞

混沌始鑿開玉融瑤臺隱映青芙蓉下有洞穴如崆峒玉樓
十二高玲瓏丹崖紫氣浮空濛何年玄元降其中伐毛洗髓
遊太空遺形歲久金石同元精變化不可窮龐眉皓首成老

翁玉局儼坐神霄宮獅子前導援後從幡幢飄飄羽蓋重海
月照見香爐峰寶劍倒挂蒼精龍石梁懸瀑聲淙淙我來飛
雪當嚴冬瑤草凝碧桃花紅花開一笑雙玉童授以錦書石
髓封道言五千方擊蒙窈兮冥兮道之宗無爲自然成汝功
谷神玄牝翁以通壽命天地相始終吁嗟小臣等蟻蠊土帝
有敕按疲癯萬里馳驅雙鬢蓬人間歲月苦匆匆投簪未暇
巢雲松白鶴飛去天南東長歌林谷來清風

春日憶延平舊遊寄嚴漢材

疎雨溪南寺青春劍外天維舟思別日覽鏡惜流年羈旅今
何適微官亦可憐乾坤一杯酒出處共茫然

藍澗草堂

明詩紀事卷十六

九

翠微春雨澗虛白野堂清道士留丹訣鄰僧問藥名龍歸時
化劍鶴過夜聞笙亦是忘機者真堪托此生

聞藍山兄寓滁州

番水初傳信滁山想定居秋吟兼蟋蟀晚飯得鱸魚落月滄
江澗涼風白髮疏兵戈關塞隔不敢問何如

山中漫題

讀書期有用閉戶恥無能落葉空山雨疏鐘獨夜燈人稱楊
里子住近石門僧靜坐觀詩妙須參最上乘

秋日遊石堂奉呈盧僉憲

荒郊通徑僻野竹閉門深白日羲皇世青山綺皓心潛蛟多
在壑宿鳥獨歸林知爾荷鋤倦時爲梁甫吟

雪後舟泊武夷

泊舟青嶂下同首翠微間殘雪孤村樹歸雲何處山石門無
犬吠松徑有僧還書劍嗟漂泊山林未得閒

建溪

建溪三百里勢若建瓴奔石觸波濤惡山連霧雨昏蛟龍餘
舊窟豺虎似空村行路難如此生涯未敢論

懷川晚立

清川繞縣衙小立共汀沙暝色催歸鳥春愁對落花江湖頻
戀闕風雨更思家出處成何事惟添兩鬢華

恭城縣

十室黃茅邑千峯紅葉村喧卑蠻俗異質樸古風存雞犬連

明詩紀事卷十六

十

猿洞牛羊到縣門殘年厯荒微遙布聖明恩

晚立懷友

野曠行人絕林空墮葉聞客愁當落日詩思入寒雲草暗防
蛇毒山昏過虎羣梅花萬里道歲晚正思君

旅寓

旅寓真如此空堂思悄然秋聲一葉下暝色數峯連涉世方
知命清心已悟禪鏡中窺短髮蕭颯感流年

柳城縣

青山入縣庭小邑但荒城竹覆茅茨冷江涵石壁清草蟲當
戶墮水鳥上堦行問俗知無事松風一舸輕

賓州九日作

三年頻客路九日又賓州野圃黃花晚空江白雁秋無錢從
止酒有賦倦登樓迴首關山遠蕭蕭落葉愁

幔亭峯

兩崖離立陰陰然上有喬木高參天仙家樓臺雞犬靜石潭
雲霧蛟龍眠漁人樵子時相見水鳥山花亦可憐九曲棹歌
誰和得千年遺響墮蒼煙

病中作

茅屋黃花共寂寥病容詩思總無聊山童夜靜分松火道士
天寒送藥苗落木荒陂秋澹澹鳴雞空館雨蕭蕭仙家瑤草
年年長弱水蓬萊路更遙

泊舟九江

明詩紀事卷十六

十一

今日泊船九江口昨日泊船彭郎磯木葉風高雁初下蓼花
水生魚正肥荒城隔浦晴吹角明月誰家夜搗衣南望故園
秋色晚青山有意待人歸

九月八日巴河阻風答孟原僉憲

江湖萬里喜同遊漫向巴河滯客舟茅屋誰家還白酒菊花
明日又黃州故園風雨生秋夢上國雲山入暮愁賴有故人
相慰藉燈前談笑亦風流

封陽驛

官船早發渡頭沙迴首東風日又斜千里雲山橫桂嶺一江
春水漲桃花荒村雞犬臨欹岸細雨鳧鷖傍釣槎南望蒼梧
煙樹晚鳳詔何處弔重華

宿開建江上懷閩中故人

東風嫋嫋泛鷗波，倚棹汀洲近薜蘿。
江上流鶯疏雨歇，天涯芳草落花多。
暮雲尙隔蒼梧野，秋興空懷白紵歌。
離別不堪頻悵望，美人南國意如何。

夜坐憶西山草堂寄彭山人

憶共幽人住石門，茅屋日高嘯鳥聞。
山氣溼衣涼似雨，松花吹簾輕作雲。
諸生載酒問寄字，野老杖藜談隱文。
丹砂無成頭又白，空對青燈愁夜分。

寄衡山李中卿

謫仙歸去卧松巢，江上飛花送錦袍。
細寫山川成史記，更吟蘭杜入離騷。
洞庭萬頃秋風早，衡岳千峯夜月高。
欲托瑤琴

明詩紀事卷十六

七

寄相憶海天清露鶴鳴泉

田按中卿名懋，未陽人。與修元史，史不詳其事蹟。余詳考見貝清江詩後。

黃陵廟

虞帝南巡日，英皇北望時。
翠華春不返，碧草暮相思。
萬里重湖水，空山二女祠。
沈珠真自惜，埋玉竟誰知。
斑竹流雙淚，蒼梧隔九疑。
天涯龍馭遠，鏡裏鳳情悲。
巫雨淒殘夢，湘雲靄暝姿。
渚芳迎雜佩，波影動靈旗。
慘淡思韶舞，淒涼詠楚辭。
空餘清夜瑟，幽怨托哀絲。

題湖山秋意圖

白水青山澹澹秋，晚涼同醉木蘭舟。
西風無限江南意，楊柳芙蓉不解愁。

桂林見梅二首

忽見羅浮萬鶴羣水邊林下玉纈紛嶺南自古無霜雪喜有

寒香壓瘴雲

清池老樹落花稀雪滿山巖獨鶴歸十二樓臺天似水空香

散作白雲飛

懷山中

久別山中鸞鶴羣清齋自禮武夷君滄江明月扁舟夜渾似

松窗卧白雲

王沂四首

沂字子與泰和人洪武初徵為諸王說書授福建鹽

運司副使以老辭歸有徵君集八卷

明詩紀事卷十六

三

田按明初兄弟稱詩者二藍外繆氏璵篋王氏二妙
錢氏三華一家風雅殊堪爽塿篋集平陽繆仲琳
仲貞所作也蘇平仲為之序惜今不傳子與與弟子
敬詩合為二妙集門人蕭翬所輯子與洪武初應詔
為諸王說書授福建鹽運司副使以老辭歸劉子高
有詩送之云萬里金門詔說書一官不拜賦歸歟極
知聖主恩榮重自信儒生計策疏三月鶯花辭上國
十年水竹愛閒居眼看逸翮翔寥廓慚鴛駘駕鼓
車子與高不仕之節子啟以教官徵為御史殆如藍
山隱而藍澗仕也集名徵君集一名竹亭遺稿竹亭
子與別號也

過三顧山

白下水南峙青山多好峯曾攜玉柱杖細看金芙蓉松杉百

尺圍藤蘿千萬疊爾非虛度仙精神乃相接倏然巖谷底彷彿

佛元圃邱履我舊行迹何殊梁家遊松風落松花片片勿輕

掃更欲三顧棲同君采薇草

謁蘇雲卿祠

古道風沙際荒祠草樹閒崇文今日盛辟世幾時還薄宦真
餘事虛言頗厚顏翻思徐孺子清節照湖山

度三花嶺

絕壁三千丈荒煙八九家黃茅青草瘴黑質白章蛇橄欖高
懸子芭蕉倒吐花嶺南一迴首何處是京華

送謝子良驛丞之京

水驛論交舊著名春城分袂若為情空羣奇驥長千里惜別
流鶯更一聲白下兩收梅子熟清江風過柳花輕歸船暫泊
應回首五色雲中是玉京

王佑二首

明詩紀事卷十六

丙

佑字子啟沂弟洪武初以教官舉授監察御史出為
廣西按察僉事改知崇慶州謫和州赦歸有長江稿

五卷

田按子啟與劉子高交分不淺家住龍灣有南園擅
水竹詩云勝子高為作南園灌隱說又有過王氏南園
看竹詩云禁得南園筍新成數百竿何年通一徑長
有客來看坐子啟伏冷池水一春深陪虞管勾幼脫坐
林石床三伏冷池水一春深陪虞管勾幼脫坐王子
啟南園竹林詩云王子宅前千箇竹拂簷當戶總蕭
蕭土垣近出青相映池水下通寒不凋上客頻留蒼
玉佩佳人時度紫瓊簫重尋載酒題詩處記取龍灣
第二橋子啟出知崇慶州子高懷王太守詩云二年
年來南浦客八千里外錦城仙水邊送別秋風冷馬
上懷人夜月圓載酒渡江憐往日聽猿出岐定何年
只今飄泊桑乾曲西望酬歌一罔然其謫和州放還
也云高有丈赦後一日聞王太守罷屯所見南歸
詩云故人舊謫和陽成五月初聞罷屯所見南歸
歌石爛天教合浦得珠還子啟生平事蹟皆可於山
高詩一一見之竹垞詩話引子啟獄中述懷詩知其

牧崇慶獲罪之由尙未知謫和州屯所一節也因檢
槎翁集補錄於此

自城陵遣阮庚上桂林侯姪伯貞挈家入蜀

念爾何時見相離七月餘如何千里道不寄一行書老恐妻
孀隔貧憐骨肉疏錦城宜早到詞賦話相如

士贈別裴伯升

清江科第舊名家千里初乘出使槎離別可憐芳草色淹留
又過刺桐花香爐煙底晨趨珮畫角聲中晚散衙歸到柏司
煩問訊相思雲樹隔天涯

錢子正一首

子正名蒙以字行無錫人洪武初知韓城縣有緣苔

軒集六卷

明詩紀事卷十六

五

田按錢氏三華集子正及弟子義族子仲益詩也子
正子義名見徐子元詩談而不及仲益詩綜錄仲益
詩謂得之秦對嚴顯氏梁溪詩抄亦稱得自嚴中允
繩孫子書本蓋三錢詩始各單行故所見互有不同
等合集為兩淮鹽政採進四庫本正統中錢公善
知縣余考洪武辛亥題名錄無子正名則顧氏所考
亦未確矣姑從闕如以俟知者仲益詩別錄入永樂

南工贈張伯庭

隱士松間已化仙茯苓此日大於拳青年有子傳先業白髮
逢人說後天潦倒自知臨暮景行藏猶待卜流年幾時去訪
搗機石擬向成都住一廛

錢子義一首

子義子正弟有種菊菴集四卷

宮怨

夜永長門靜愁多欲斷腸開簾拜新月歌吹在昭陽

陳約一首

約字博文嘉興人洪武中官大理寺卿出爲山西布

政使有一默居士集

樵李詩繫博文元儒竹林先生長子與弟綱繹頌倡和緝尤有名於時

偶成

京華二月天氣好寒食已過清明來畫樓珠箔燕新語綠樹

清江花亂開

陳緝四首

緝字熙文約弟

明詩紀事卷十六

去

田按熙文七律音節瀏亮有唐人標格

送道士謝清一歸吳中

丹鼎紅光照洞庭天壇月色帶疎星元都道士蒼精劍上界

仙人白鳳翎閭闔朝迴天蕩蕩藥珠經盡晝冥冥欲從杖屐

秋山裏風雨箒燈采茯苓

秋夜懷明本

溪聲浙瀝起蒹葭溪水潺湲漱白沙大地星流還化石小窗

燈冷不成花江淮烽火三千里城郭民人八九家避地欲尋

張博望月明滄海汎靈槎

送周煥文從唐伯剛之吳興

碧瀾堂下卽吳興十里芙蓉繞石城山簡歸時應倒載條侯

醉後尚談兵蘋洲雨過秋聞雁橋里春深曉候耕事簡好將
樵唱曲水晶宮裏坐吹笙

榮球弔古

投簞渡江江水空朝馳淮海暮吳中江東壯士輕王猛吳下
諸公失呂蒙山鬼有靈嘍夜月野花無主怨東風盡將骸骨
填溝壑誰在雲臺第一功

賦珠林公與一首

齊兼注公與字學民黃巖人士也端軫于夫金對坐銀

黃山兩

三台詩錄學民與兄耕民弟齊民俱工詩為潘松溪
許介石所重耕民元季先死學民齊民在明初俱不

受徵聘
田按公與一號盤所許介石有題林盤所家藏温日
親葡萄詩公與與弟公存明初尚存元遺民也顧俠
君元詩選未錄援明史文苑傳趙訪汪克寬之例存

卷十六

七

送邱慎餘還舊居

黃山兩佳士曰容懶慎餘如於沙磧中見此古璠瓊妙年負
奇氣并駕四明車縱交豪傑士吐論雄千夫金鞍坐駿馬躡
地紅氍毹三千六百日擊鼓吹笙竽為樂未及央白日升太
虛翻然理歸榜卽我泉溪居慎餘近碧山容懶臨通衢軒窗
相隱望來往成歡娛賤子幸承接遊從連簪裾溪風柳陰釣
山月花閒壺相逢輒傾倒往往忘所趨頻年逢數奇塵網相
縈紆兩君力徘徊義豈魯連殊誓言永為好桑梓長相於豈
知故園興決若東潰瀆容懶不可留新羅尋舊廬子又舍我
去去與容懶俱交歡契夙好展拓伴新圖我懷抱離索鬱鬱

當何如天寒歲云暮霜月梅花初寫言不盡意願效蛩驅且

林公存 一首

公存字義民公與弟

同諸兄送慎餘

經年同里巷一日賦歸與素履紅塵遠清襟玉雪虛臨岐那
忍別得句未能書樽酒綢繆處舟行月上初

林公冶 一首

公冶字齊民

田按公冶亦公與兄弟行也

送邱君慎餘

十載交遊處茲辰不可留鷓鴣知有待猿鶴已深愁棹發花

卷十六

六

山月詩吟桂子秋九峯無百里回首思悠悠

李毓 五首

毓本姓林字長民黃巖人

田按長民亦公與兄弟行也一號藥所許介石有題
林藥所家藏子昂枯木竹石圖詩長民詩沖淡有陶
韋意趣

送許介石

出門送夫君信知離別苦窮居天一涯浩懷誰與吐念昔傾
蓋初開口見肝腑誓將埽石床共卧松蘿雨風雲忽西來去
若黃鶴舉幽期不果諧玉樹何時覩飲餞出芳郊青陽滿寰
宇雲鴻逝冥冥遊魚亦江渚相思幸寄書在遠當自樹

臨水感懷

觸事卽成感苦心誰復知青春漸漸去鬢髮生華絲同裳豈
無人慨悵今昔非東流尙不盡爲寄長相思

次韻答介石秋夜見寄

山堂夜無月所見螢燭輝幽懷忽破碎澹若無所依思得同
心友攜手同車歸誰歌綠水曲要渺凌空飛

答翠易子

離居感急景辜荷念同裳佳期渺難合遠意孰與將風颺石
林靜日落松筠涼祇應羽駕來共采瑤草芳

題弟齊民禱雨有感卷

卧龍不肯爲時出旱魃有意如人長爾能呼龍起冥漠我心
得雨生清涼池塘一夜煙草綠江天萬頃魚波蒼潘君志喜

卷十六

五

動新作墨花猶帶龍涎香

田按三台詩錄稱齊民上寒坑祈雨有應士人爭爲
歌詩此詩亦同時作也潘時岡喜林橋隱禱雨立應
里六月陰風吹鬼雨陰器開混沌髓下根滄溟幾千
威怒林君乞靈誠壘壘側足元宮不自憐風先驅肆
雨隨履頃刻如注天瓢水郊原一覽生意新松底流
泉自相語時岡字鶴亭黃巖人

董佐才一首

佐才字良用上海人洪武初薦辟授洛容知縣

田按良用與弟良史並有文譽良史詩別見

讀杜詩有感

幾年京國暗戈矛淪落誰憐杜甫愁春漏也曾嗔錄事秋饑
仍復問彭州平生忠義貧逾見小技文章老更優我亦此身

無定處夕陽孤倚仲宣樓

王鈞 一首

鈞字天全嘉興人

田按天全與兄鏞有合刊詩藁惜今不見詩綜已錄鏞詩余據馮李詩繫補錄天全詩一首

水竹居爲朱克恭賦

又采風流偶晉賢由來蹤迹托林泉
候門童子清如鶴留客
軒窗小似船錦鯉寄將書咫尺
綵鸞飛下月嬋娟何時把酒
同燒筍卻訪東坡笑渭川

張輿 一首

輿字行中仁和人洪武初上書授刑部主事與弟輅

合作聯輝集

卷十六

三

田汝成委巷叢談洪武中浙江都司徐司馬令郡城人家植冬青樹於門數年後街市綠陰市地張輿賦詩云比屋冬青樹人皆隱綉羅春風十年後維恐綠陰多

約可閒老人訪王藥圃

明朝寒食風日晴可閒欲同湖上行
先拾玉壺園上翠卻聽
瑤石山頭鶯茶鑪煩爲試新火
杏酪不須和冷餠君若肯將
花徑掃日高相與到柴局

張輅 一首

輅字行素輿弟

贈陳士甯

橫溪別業錦雲鄉紅白蓮花薜荔牆
百事不關心獨靜孤雲
無著興偏長佳人雪藕供微醉
童子分茶坐晚涼如此好懷

誰解寫詩成還讓孟襄陽共短咏平則時

鄭杕一首

杕字叔韉浦江人有學古齋集

田按浦江鄭氏號為孝義家元明兩朝均詔旌表其門明初有曰淵曰洵曰濂曰湜者皆以行誼聞太祖深嘉獎之拜湜為福建參議洪武二十六年東宮官屬久缺命廷臣舉孝弟節行之士廷臣以鄭氏對太祖曰鄭君之聞其里人王廷臣亦傲鄭氏者法皆可選用以風勵天下乃徵兩家子弟三十以上者詣闕既至令自推舉鄭氏舉濟王氏舉勳乃命濟為左春坊左庶子勳為右春坊右庶子二十九年復選才闕右曰沅者召為禮部尚書其從子幹拜御史楷蜀府教授杕其兄弟行宋學士景濂女婿也

海棠

映肉紅紗曉睡遲一絲春色力難支開元舊事無人記猶有

卷十六

三

東風作畫師

鄭枋一首

枋字叔車

田按叔車亦枋兄弟行也

江南曲

妾家住在錢塘曲門前歲歲湖波綠垂陽十里鎖輕陰芙蓉
千柄送奇馥翠雲帖水風颺颺白蘋紅蓼早催秋大姑小姑
惜芳遊見花顰眉愁復愁移船西來泊花底藕花染紅蘋葉
紫妾身不為浮蘋生願作蓮花守紅死

繆仲琳一首

仲琳永嘉平陽人洪武初平陽訓導

客夜

田按仲琳與弟仲苜有壩篋集蘇平仲稱其麗藻交映逸韻迭發鏗鏘炳煥震耀遐邇洪武初兄弟皆徵至京師官之不拜歸而縣丞延仲琳為訓導縣令延仲苜為訓導惜壩篋集不可得僅見仲琳一詩而已

城頭燈影寒鴉散聲悲咽東歸一葉舟夜泊松江雪

黎慎一首

慎字充輝以字行清江人

東里文集充輝詩清新雅則有唐人韻致江西詩徵充輝童子時為詩輒有奇語長從梁石門遊博通羣籍落魄不羈永樂初應明經召至京授職不就歸
田按充輝與弟著輝有倡和詩楊東里序其簡端云黎氏伯仲京華倡和之什瞻而實婉而切清江玉笋之間山川靈秀鍾於人挺然英傑兄弟並起馳聲當時而流聞來世如二劉三孔者去今未遠也將無繼之而興乎為名輩引重如此充輝有清節潛輝永樂朝進士月詳別卷

卷十六

蒙山

飛峯起中天凌雲疊連嶠征驂駐其嶺遐眺入冥漠巖泉煙際瀉奇石空中削天風送黃鵠長飛向寥廓盤盤青天外厚地何磅礴丈夫四方志天地安所托仗劍歌遠遊徒御總錯愕結想陟崑崙煙霞正綿邈

蒙山

飛峯起中天凌雲疊連嶠征驂駐其嶺遐眺入冥漠巖泉煙際瀉奇石空中削天風送黃鵠長飛向寥廓盤盤青天外厚地何磅礴丈夫四方志天地安所托仗劍歌遠遊徒御總錯愕結想陟崑崙煙霞正綿邈

蒙山

飛峯起中天凌雲疊連嶠征驂駐其嶺遐眺入冥漠巖泉煙際瀉奇石空中削天風送黃鵠長飛向寥廓盤盤青天外厚地何磅礴丈夫四方志天地安所托仗劍歌遠遊徒御總錯愕結想陟崑崙煙霞正綿邈

明詩紀事卷十七

貴陽陳 田鞞

甲籤

銘炳 二十二首

炳字彥昂以字行鄱陽人明初獻書言事授中書典

籤出為大都督府掌記除東阿知縣引疾歸有春雨

軒集十卷

四庫總目劉炳詩格伉爽挺拔類其為人

詩談江西二劉彥昂承直雄俊相似

田按明初詩家燕京感事者以宋仲敏壬子秋過故

宮十九首為最劉子高早春燕城懷古六律亦其亞

也子高詩云金水河枯禁苑荒東風吹雨入宮牆樹

頭槐子乾未落沙際草芽青已黃北口晚陰猶有雪

陽秋月春花不可論關河形勝古來存燕歸蕭蕭送夕

陽秋月春花不可論關河形勝古來存燕歸蕭蕭送夕

陽秋月春花不可論關河形勝古來存燕歸蕭蕭送夕

陽秋月春花不可論關河形勝古來存燕歸蕭蕭送夕

卷十七

驚墜人散高門石獸蹲牛引柴車穿柳巷馬啣霜草

出花園由來在德非關險不獨阿房可斷魂海內蒼

生困亂離宮中舞女門腰肢金湓水媛龍船出彩檻

花香翠輦移松樹盤空皆偃蓋柳條拂地更垂絲迷

憶園廬

種園在東臬草荒瓜蔓長日落秋樹涼褰衣獨還往時逢野

老憩自足田園賞沿溪暝忘歸古寺煙鐘響

哀周伯士 上清人

陰洞懸乳泉石沁古苔峭紺粉落秋江芙蓉澹斜照孤吟白

日晚疊嶂玄猿叫高懷誰與儔天風遞長嘯

哀趙子常

晨樵歛山青暮吸歛水綠閉戶動一紀守道不干祿平生春
秋傳疑義如剖竹哀哉青城翁心喪三年哭

哀方方壺

蓬萊五雲宮金粉飾椒壁醉時卧瓊瑜酒醒灑墨汁傲世雙
眼高鬼谷白雲溼玉堂寄書來落月夢相憶野鶴弔孤松衰
螢照荒陌

哀黃季倫

折節委榮寵頓將生死齊秋荷補壞衲空林旅幽棲懸燈禮
繡佛清齋烹露葵虎溪流古月自與遠公期

卷十七

哀葉楚庭

船頭酒百壺船尾書百冊間騎桃花馬醉弄西湖月狂吟捲
秋濤聲撼扶桑折滄海無還期哀魂楚雲結

哀吳用晦

其祖月灣先生也

滄灣俯空寒老月懸古色殘花漂斷沼野徑繞荒宅王珣稱
短簿牙笏猶故澤文藻遺江山蒼茫暮煙隔

行路難

奉君五彩鳳凰之綺幄七寶鴛鴦之錦牀博山氤氳之水屑
金盤沆瀣之瓊漿春風無情不相待朱顏綠鬢年年改姑蘇
臺上鼓如雷四時歌舞百花開當年意氣今安在鬼火如燈
秋似海

弔晉安將軍歌

荔枝城頭花簇簇王孫不歸春水綠黃金臺前煙草荒傷心
獨倚青雲哭淚灑鑾江江倒流楚魂暮咽楓林秋蕉黃醅綠
湘竹語峴山石斷行人愁信陵門下簪纓會珠履筵前幾人
在軍中擊鼓夜不眠珠翠成行鳴劍佩王孫王孫真貴人落
筆龍蛇驚鬼神千金散士馬蹶盡鐵甲晝卧雙麒麟桑柘陰
陰連大路野市書聲晚當戶部曲悽涼白髮稀甘棠猶指將
軍樹玉鳧金雁漆燈殘化鶴千年何日還有酒誰澆趙州土
碧血化雨苔斑斑王孫王孫不可招仰天擊碎青桐瑤寸心
何處寫哀素江上年生暮潮

漢之季

哀故御史余公關守舒城死節而作

卷十七

三

漢之季洪流何湯湯赤子爲龍蛇蔓於漢以淮割我城邑圖
不祥天子曰嘻予何以奉宗廟朝羣臣登明堂曰予近臣御
史闕咨爾撫師古舒國閩以外爾制之賜爾三百衛士斧與
節毋黷民毋究刑苟附而安文武并用禮之經臣闕昧死頓
首泣主憂臣辱敢不力御史騎馬來萬姓淚落喜且悲子我
塗炭民漢官威儀今見之東市牽牛羊西市羅酒漿紛紛列
道左御史下馬相扶將諭以天子聖且愛明見萬里外宵旰
不遑食兵爾饑爾苦顛沛御史雖愚頗知忠與慈惟爾患難
相扶持鼓爾鼓旗爾旗疾則疾徐則徐壯者戰守老者居俾
爾農桑毋奪食桑青麥茫茫牛羊走邱墟御史城上行茅
屋人家聞讀書以心感人心敵至輒敗不敢窺城東嘓虎豹

城西嘯熊羆斬黃攻始退山越什伍伍來相圍裏瘡戰城南吮血戰城北大船小船捍江列嗟城中如流魚御史奮臂城上呼悲風揚塵沙起白日無光士爭死廩無粟士氣衰朝食城上草暮煮城下其瘡痍相枕何流離御史斬愛馬士卒不忍食日久援不來矢盡兵殘益危逼梟騎死野戰烏鳶銜肉流尸僵孤城坐殄瘁土山地道不可當御史誠不德握手謝父老爾民多殺傷御史登城北面拜稱臣萬死無以報陛下闔室竟與城俱亡楚山蒼蒼楚水洋洋御史之節功烈顯彰天之奎璧地之河嶽人之綱常千載弗渝日月普光誰能置廟復立社享爾祀爾百世及天下

田按忠宣守安慶逾六年小大二百餘戰戰無不勝糧絕城陷以死彥昂嘗從忠宣軍事間故能道其詳

卷十七

四

如此余檢青陽集附錄有劉參謀舒州謠云大夫仗鉞來守舒舒州城小鐵不如城下長江限濠棚周遭守備用白夫賊子干城不得踰大夫叱戰人爭趨嚶嬰颺魁半就死陰風吹血腥東吳七年孤兵經百戰白日炯炯忠義俱我民衣食仰官給盡力効死甯難盱王師不援百計疏城中食盡官無儲沔陽健兒肆剽殺殺人逮盡終何辜大夫應戰如走珠誓國甯愛千金軀寶刀斷折笳暗鳴戰不持鐵至日哺絕咽剝膚血濺髯游魂半空罵賊奴大夫骨行將枯大夫赤心死不渝蓋亦參謀忠宣軍者惜不詳其傳也宋景濂作余左丞傳稱公詩文策隸皆精緻可傳張來儀有余將軍篆書搨本歌附錄於此余將軍守舒州舒州之城大如礪長江西來繞城流賊船如雲壓城腳將軍提劍坐城頭寶劍未動賊已奔鯨鯢蔽江爲渾孤軍六年二百戰王師不來殺之存無兵猶與力盡勢竭將奚爲倉皇齧舌罵不已義士三千同日死只今猶有盡忠池碧血清冷化爲水將軍持節東州時作此篆書形岫奇妙墨已隨神物化好事當時是忠臣迹秦斯雖古其人非嗚呼將軍此書配者誰請君摹取浯溪石上中興碑

過南湖翳

城頭開船北風起帆輕直過南湖翳上水歡呼下水嗟龍王
廟前准燒紙小婦攀習楊柳磯淮鹽換得鱖魚肥沽來新酒
不成醉卧聽鄰船歌竹枝

題夏博士晉王羲之右軍像

上東門外胡籬嘯萬里塵飛洛陽道潛龍東渡晉中興羣馬
南浮國重造石城龍嵒昔所都庶事草草嗟良圖衣冠簡傲
禮樂廢朝廷放曠君臣疏大令平生最超卓早年門第居臺
閣內史新除典要樞右軍任重參帷幄擅場翰墨出神奇蔡
衛鍾張早得之畫長燕寢森兵衛日煖鵝羣戲墨池來禽青
李囊盛寄裏鮓黃庭醉後題春風三月山陰曲羣彥流觴映

卷十七

五

修竹一時簪冕屬高風百年文藻懷芳躅流落斯文感古今
後代宸聰復購尋小字昭陵傳玉枕數行定武抵千金忽見
畫圖雙眼失采采丰神驚玉立羽扇蕭疏晚日晴烏紗彷彿
秋塵襲繁華如夢轉頭非典午山河幾落暉唯有鳳凰臺上
月春風依舊紫簫吹

瓊姬墓宋仲珩同賦

野花凝粉鈿瓊姬醉時面夕露柳絲長瓊姬晚黛妝行人墳
上莫回首一顧春風一斷腸

田按姑蘇志瓊姬墓夫差女也與夫差墓相近高季
迪徐幼文均有詩附錄於此季迪云夢別芙蓉殿頭
墜釵零落誰收土昏清鏡忘曉月冷珠襦恨秋麈鹿
昔來廢苑牛羊今上荒邱香魂若怨古臺閣與麈鹿
共遊幼文云館娃宮裏已堪愁况值泉臺閣小邱月
冷寶奩無復曉池空王雁不知秋蘿間舊屋僧來住

竹下新亭客過遊不有佳名留郡志誰能識此爲停舟

旅中除夕簡劉子憲助教張左司

麝煤凝鴨鎖虛窗虎衛嚴城禁漏疏鄉夢牽情千里遠客愁
隨臘一年除酒痕釀煖春連瓊梅粉吹香晚近廚自寫桃符
燒短燭壯懷那厭食無魚

和九日韻寄朱見中

野樹荒臺帶晚陰昔年歌舞憶登臨桃花紈扇西風冷蔓草
銅馳夕露深舊夢青雲連館閣多情華髮老山林江南庾信
傷秋倦疏雨簾櫳怯暮砧

大弔杞上人

重來湖上弔山僧淚落東風憶葛藤江海有詩傳慧可叢林

卷十七

六

無法繼盧能草深方丈迷春屐塵暗袈裟掩暮燈因憶沔陽
錢太守芭蕉亭上賦詩曾

待渡溪許寫懷

繁華雲物都非舊一片寒沙卧夕陽唯有壞垣春雨裏野花
猶似美人妝
桃花扇底春風面一曲吳歌一斷腸紫陌紅塵多少夢鬢絲
贏得老劉郎

秋詞

廣寒樓閣玉爲梁月裏姮娥百寶粧流水莫題紅葉句人間
天上隔宮牆

題葉楚庭醉漁巷簡彭敬宗劉子原子載子明

落盡茶蘼草覆茵二分流水一分塵小車都載鵝黃酒蘇小墳前醉過春

暮春寫懷

晴雪飛棉柳樹斜雨餘紫陌淨無沙春風日日騎官馬兩袖東風看落花

同周伯甯連榻劇談悲歌有感

醉來拔劍斫珊瑚嬾向侯門更曳裾夜半聞雞眠不著草堂

秋雨讀陰符

甘瑾 十三首

瑾字彥初臨川人明初嚴州同知

國雅甘二守彥初思頗清儻如一瓢風外樹雙屐兩中山白草交河道清笳捕虜營錦衾成獨旦羅扇覺

卷十七

七

先秋亦是高唱

列朝詩集甘瑾餘千人元末張承旨壽僑居雲錦山中與彥初及張可立甘克敬往返甚數評彥初詩如美女簪花可立如貞婦守節彥初入國朝為嚴州同知或云翰林院待制皆未詳也或多臨川人

田按彥初詩集不傳他本所選者多五七言近體余從朱性父珊瑚木難見彥初植芳堂詩題名鄱陽甘瑾作豈流寓不常錄詩者以所在題之耶明音類選光嶽英華均題作餘千人彥初律體音節高亮是錢

郎一輩人

植芳堂

猗蘭被九畹佳蕙滋百疇荃蘅與杜葑羅生交綢繆俟時苟

不利蕪穢將誰尤朝吾芟宿莽夕吾漑清流冀茲枝葉茂充

子雜珮酬撫琴發清商揚舫泛中洲美人隔南浦延伫增離

憂攬芳結續紛日暮聊夷猶誓言寄所思川路良邈悠恆恐

年不與鴛鴦鳴先秋陰風集中野眾芳委林邱蘭芷變不芳

萊菴漫道周靈均去已久千載誰與儔
英雲閒彥雅嗜取冥搜靡蕪集遠思
再感王孫遊何所無芳草子獨良好修
願言闕英采以俟知者求

題高伯昌遠遊卷

九月朔方城河流已沍凝
氈車馳犯雪乳椀飲兼冰汗
血宛西馬奇毛代北鷹
良材資國用翹首卽飛騰

公孫

躍馬公孫氏荆湖舊拓疆
函書鄰好絕陸載霸圖荒
城堞迷秋草樓船散夕陽
龍文成五采終古在芒碭

田按甘彥初躍馬公孫氏一章為陳友諒而作也淮
張事多有以詩紀之者友諒事不多見余檢孔邇雲
蕉館紀談陳友諒在江州時嘗以春暮結綵為花樹
自府第夾道植至匡山又翦繡於道上與宮人乘肩

卷十七

輿而行黃信詩云錦繡鋪張春色滿小車花下麗人
行是也黃信詩不多見附錄於此

龍虎沖虛張真人遊仙詩

世業神明裔朝家禮秩優
祝釐宣室夜賜曲鑑湖秋
海月虛瑤席天風馴玉虬
谷神應不死獨與化為謀

默觀元化運乘彼白雲歸
廣野悲張樂青山笑拂衣
玉棺天上葬神劍斗閒飛
圭組衰崇舊宜看奕葉輝

讀靖康遺事

杜鵑嗥老洛城東烽火郊畿縱
犬戎廟畧合收淝水捷虜盟
誰定滑橋功銅駝故陌迷
芳草黃屋驚塵捲朔風一自
鼎湖龍去後小臣何地泣遺弓

讀史有感

汴流西繞漢時宮
陵樹蕭蕭易朔風
金盃不冰銀雁去
銅仙無露玉盤空
御溝流水人間碧
禁苑蟠桃海上紅
卻憶晉家南渡客
清談不記誤和戎

錢塘懷古

落木驚波入虜塵
新亭空集北來人
神州未復英雄老
王業偏安歷數屯
萬騎星屯潮捲夕
六宮雲散草生春
百年江左偷安計
泉下惟應泣老臣

閑居感舊

待詔金門擁珮珂
南征殊賜洽謳歌
亦知江總蒙恩數
每愧楊雄識字多
頭白一官今自老
汗青千載竟誰磨
可憐夢裏鈞天曲
回首蓬萊奈爾何

卷十七

九

險天遊龍虎山

流水灣迴路百盤
化人樓閣倚清寒
枕中鴻寶長生籙
屋外元都太古壇
金鼎有丹先試犬
玉簫無曲不吹鸞
麻姑未老秋霜鬢
幾見扶桑海未乾

寄馬彥曾

百戰孤城血未乾
故人書札報平安
秋風代馬思燕草
夜月湘歌怨澧蘭
萬里江湖仍旅食
百年天地自儒冠
山陰更有誅茅地
仗劍休辭行路難

次張文學韻寄涂貢士

畫角城頭曲未終
十年哀怨萬方同
黍離正恨傷周切
章甫翻憐適越窮
黃葉空山僧舍雨
滄浪衰鬢釣絲風
閒愁欲遣

三千斛濁酒甯辭一百筒

長沙夾夜泊

漠漠蒹葭斷渚連
烽亭亭鼓報更傳
迴風吹樹纜初繫
斜月照蓬人未眠
雁足寄書懷歲晏
蟹螯新酒及霜前
滄浪遠浦寒燈外
尚有漁郎未叩舷

朱弘祖一首

弘祖字彥昌臨川人洪武初以明經舉官都稅大使

有東皋耕叟詩八卷

青溪暇筆太祖高皇帝以至正十五年乙未取安慶及太平甯國趙雙刀陷池州余忠宣公守安慶使判官莫倫赤市鹽浙東還泊龍灣時方以兵邀之莫倫赤自稱安慶使者太祖聞之曰余公元名臣使當道皆若之天下豈有亂哉命諸軍勿得俘掠以禮宴勞之遣還且日告余公善自為守又曰老趙在池州素

卷十七

十

無仁心恐汝去不能免也吾以書與汝至則以示其左右莫倫亦至池州果為所扼以書示之趙省書曰但免汝一死耳鹽貨不可得也悉為所掠而莫倫赤遂得生還福按余公之守安慶也趙雙刀陳友諒引羣盜四面而攻之太祖與之接壤未嘗加以一鏃雖日兵不攻堅然神謀廟算皆由天縱非一時英雄所能知也其時友諒之師渡江而來若又悉力疲眾以攻太祖初提一旅之師渡江而後全楚隱然一國而堅城不惟頓兵挫銳然自撤屏輸身受強敵則亦安能從容俯仰礪兵秣馬以觀四方之釁而出萬全之計哉此其遠畧何如也以是而論余公雖為元守實為我用豈非天佑國家故使之然乎其後友諒雖下安慶然兵力亦自是漸衰而勃興之期已莫之能禦故陳氏不旋踵而滅也臨川朱彥昌有弔余公詩一聯云十年血戰身無援一旦唇亡齒亦寒下句蓋指友諒而云耳於此見受天命者其所云為固自異也

環溪亭

一曲清江抱畫闌
八窗如在落星灣
紅塵隔斷花香外
白浪飛來鏡影閒
蝌蚪舊藏書帙淨
蜻蜒長立釣絲閒
何由動我

山陰興卻棹扁舟雪夜還

李鎬 一首

鎬字叔京臨川人洪武初徵為國子學正轉翰林院

編修領中都國子監事

田按叔京植芳堂詩顧嗣立錄入元詩選癸集而不詳其仕履余檢蘇平仲集北麓處士李公墓誌云李鎬字叔京臨川人篤學能文應詔至京師擢國子學正轉翰林編修領中都國子監事洪武戊辰會試因其父試與伯衡同事蓋叔京與平仲同考會試因為其父北麓求誌墓也雙槐歲鈔云洪武戊辰會試以蘇伯衡李叔荆為考試官豈叔京亦以字行耶元詩選誤作元人曾煥江西詩徵亦沿其訛余為考正如

植芳堂詩

春陽被臯陸時雨浹初晨荷鉏臨前除闢壤當荒榛藝本日

成列培根毓奇芬條枝及時榮萼萼韡以分服綵憩嘉蔭端

卷十七

七

居離垢氛眷茲世葉繁德馨惟日新興言用棄穢庶以樂吾

真

趙迪 一首

迪宜陽人洪武中官吏部侍郎

田按洪武時有兩趙迪一河南宜陽人初姓張洪武十九年由歲貢任吏部左侍郎即余山堂別集卿貳表一福建懷安人俞汝成明百家詩所稱鳴秋山人也牧齋誤作一人竹垞辨之極詳余據弇州卿貳表佐證益明兩存其人一見此卷一見二十一卷

元夕應制

龍樓錫宴月初斜寶炬星分照翠華五夜歌鐘連甲第千門
燈火映皇家錦筵人醉飄金縷羅綺春晴散綵霞自是宸遊
多樂事叨陪幾度賜宮花

劉秩 三首

秩字伯序豐城人吳元年授典籤除檢閱出為武安州同未行改知崇明州以誣被謫事白棄官歸有聽

雪蓬集

列朝詩集伯序知崇明州奏免租課民立祠以祀之未幾提點鹽法發其奸被誣下獄幼子孫孫年十二諸闕訟冤上白其事斬誣者竟棄官歸事在危素獄記

東湖女

東湖女兒髻縮鴉清晨結伴來西家碧羅裁衫照秋水香酥暈臉明朝霞儂家住在大隄曲幾度採蓮湖上宿江南遊客最關情相思一夜秋波綠

冬日卽事

卷十七

三

縣邑干戈後城空景寂寥山寒雲釀雪江晚月通潮壯士征衫薄將軍戰馬驕只今邊境上誰是霍嫖姚

秣陵懷古

秣陵風物近如何兵後登臨感慨多雲淨石頭秋嶂出月明淮口暮潮過離人暗滴青衫淚商女空懷玉樹歌忽憶舊時驄馬客于今白髮老山阿

陳元達

一首
元達字子曉黃巖人洪武中知新樂縣

紫駟馬

紫駟馬黃金鞍青絲絡頭瑪瑙寒馬上誰家年少子錦裘繡帽驚人看平生鬪雞不識愁日日長衢走紫駟豈虞勢去如

崩瓦紫駟空棄槽櫪下日暮驅逐如亂兵饑向駑駘乞殘莖
紫駟馬古來貴盛皆鮮終遺棄舊物不足惜輕薄取敗非英
雄

何明遠 一首

明遠字文儀黃巖人明初應詔授明州市舶提舉

寄宿旅邸

旅館藜床七尺慳草茵零落布衾單五更霜淨天如洗人與
梅花一樣寒

張存 一首

存字性中丹陽人洪武初貢生官遂安主簿有雪洞

先生集

卷十七

三

練湖亭

孤亭倚太空修篁落影境靜心自閒頓覺塵事屏橫琴鳴
冰絃古調誰能省顧此澹忘歸滿山秋月冷

諸葛伯衡 一首

伯衡名阡以字行蘭溪人洪武初以薦授北平雜造

局大使終廣東參議

墨梅

玉龍倒吸墨池乾鱗甲驚風片片寒喚醒羅浮仙子夢暗香

和月到闌干

魏資政 一首

資政字之覲宣城人洪武初以薦授棗強丞遷監察

元妙觀

一簇煙霞擁碧峰，已知羽士躡仙蹤。
客來衡嶽騎青鹿，祭罷雲壇起絳龍。
座上老師能啖柏，庭中雛鶴未離松。
道人自種黃精食，敲火烹香不用春。

李純道一首

一純道字思文，東陽人。明初教諭有易簡齋、三桂齋稿。
題西巖紫霞洞，詩云：思兩對於山，水共與重岡。軒窗
隱君獨愛西巖奇，丹厓石室相蔽虧。青松蔭地土花長，碧蘿
挂月秋陰垂。每從雨後拾瑤草，時向人間歌紫芝。遙想高風
在林壑，何當躡屐相追隨。

卷十七

古

李徵一首

徵，山陽人。洪武初國子生，授考工監令，擢兵部尚書。
次若虛泛舟，詩云：空翠巖巖青嶽巖，土芥是盤巖。
月滿船窗睡起遲，鄉情詩思兩依依。山光笑我重回棹，春醪
憑誰一典衣。撲面風塵偏作惡，傍人水鳥欲忘機。故園到日
春還在，幾處薇花照晚扉。

錢復亨二首

小賦春

復亨，松江華亭人。洪武初以薦爲嶧縣教諭。
詩綜作蕭山教

論有講餘集，賦云：賦以嶧客來，嶧嶺青巖翠巖。

送黃太守

江北江南春，早山前山後暮。晴芳草渡頭，客散桃花馬上人。

行

題畫

石門斜帶曉山開
楊柳陰陰護綠苔
何處畫船晴雨外
綺羅風裏載春來

李思齊 一首

思齊字齊賢東陽人元進士知龍泉縣洪武中以薦授河南按察僉事命下卒

題徐氏蒲石卷

獵獵石上蒲青青
迸苔碧何人寫冰紈
清氣生几席

卷十七

七

獵獵石上蒲青青
迸苔碧何人寫冰紈
清氣生几席

風裏飛花
思齊

思齊字齊賢東陽人元進士知龍泉縣洪武中以薦授河南按察僉事命下卒

思齊字齊賢東陽人元進士知龍泉縣洪武中以薦授河南按察僉事命下卒

李思齊 一首

風裏飛花
思齊

思齊字齊賢東陽人元進士知龍泉縣洪武中以薦授河南按察僉事命下卒

題畫

石門斜帶曉山開
楊柳陰陰護綠苔
何處畫船晴雨外
綺羅風裏載春來

明詩紀事卷十八

貴陽陳 田鞞

田鞞

王蒙 五首

蒙字叔明吳興人元末官理問洪武初為泰安知州

坐胡黨死

王達聽雨樓諸賢記王蒙字叔明號黃鶴山樵趙松雪之外孫也素好畫得外氏法然不求妍於時惟假筆意以寓其天機之妙為文章不尚矩度頃刻數千言可就

都穆談纂王叔明洪武初為泰安知州泰安廳事後有樓三間正對泰山叔明畫泰山之勝張絹素於壁每與至輒一舉筆凡三年而畫成傅色都了時陳惟允為濟南經歷與叔明皆妙於畫且相契厚一日雪景會值大雪山景愈妙叔明謂惟允曰改此畫為雪景可乎惟允曰如傅色何叔明日我姑試之以筆塗粉

明詩紀事卷十八

一

色殊不活惟允沈思良久曰我得之矣為小弓夾粉筆張滿彈之粉落絹上儼若飛舞之勢皆相顧以為神奇叔明就題其上曰岱宗密雪圖自諺以為無一俗筆後惟允固欲得之叔明因輟以贈陳氏寶此圖百年非賞鑒家不出松江張學政廷采兩奇之士亦善丹青聞陳氏蓄是圖往觀之臥愛之下兩日不去以為斯世不復有是筆也徐武功尤愛之嘗謂客曰子昔親登泰山是以知斯圖之妙諸君未嘗登其妙處不盡知也後以三十千歸嘉興姚御史公綬未幾姚氏火作此畫亦付煨燼惜哉

王世貞兪州山人四部稿黃鶴山樵王叔明為錢塘崔彥暉作雲林小隱圖稱黃鶴山樵王叔明為錢塘栗黃宏麗之致耳而此圖則清遠滄鬱大有北苑襄陽妙致驟見之以為大癡老人又疑老人不辨是也圖後意似小未盡問之王百穀云猶及見全本蓋少書所撰雲林詞截去耳題著僧俗季潭叔明蓋手人多佳士而余所知僅山陰王裕金華蘇伯衡始豐徐一夔嘉興鮑恂桐廬俞和臨安錢幸會稽唐愚士而已沈道禎戲謂余惜不及文待詔生當一為攷以報蓋待詔最能詳勝國先朝士大夫當一為攷大視齋筆記王叔明傲董北苑風雨蕭寺圖氣韻掀

籓物象俱備不知較北苑所作山林煙靄之所自
是寫圖手遠近位置懸然不為山林煙靄之所自
家人器具一畢備若子久渾厚雲林疏簡雖各極
所擅而施之以圖似終遜黃鶴矣雲間沈長者題曰
墨雲擁高山頃刻歸去衲衣盡沾溼敲戶何急地
曠野前人行乘屋何巫已抱甕一婦更持器
倉皇少村民破屋家所寄戴笠者源郎理網屈雙臂
重茅借被捲破屋終不棄陸走尙甚危水行可無畏
老翁若望家擔物終不棄陸走尙甚危水行可無畏
前溪風雨惡黃鶴水流駛想見晚來晴居淨不橫翠
始信霎時間真宰時相戲想見晚來晴居淨不橫翠
圖是思陵所題筆法高古精絕叔明相訪出以示之
俚言時至正庚寅秋七月夕山樹欲飛沈良俞題此
云去孃屋破葺茅茨知歸俞焯題於都城寓舍張遠題
歇去孃屋破葺茅茨知歸俞焯題於都城寓舍張遠題
可謂雙劍神物須合有模董源風雨蕭寺圖今見此
張丑清河書畫舫王叔明合畫一幀首題巖居高士

明詩紀事卷十八

二

次題黃鶴山人王蒙為雅宜山中陳惟寅畫筆法秀
雅積墨清潤點染之間咫尺千里自非胸襟灑落心
手和調斷斷不能以成斯圖益知名下無虛士觀此
真跡殊覺僞者甚可笑也同青倪昭二公各有詩題
深處住一檐暈日聽松聲暈昌尙左生筆精墨妙王
右軍澄懷卧遊宗少文叔明絕力能扛鼎續不
無此君倪瓚其後叔明自題選體一首斷續不
句惜無王集參補附此今圖尙藏陳雲祜處第恨
紙弊墨殘粗有梗概正猶隔霧看花惟想像神妙耳
信乎畫法之工也
張丑真蹟日錄黃王合作小幅僕暇日為郡曹劉彥
敬畫竹趣圖甫畢而一峯黃虛士見過僕出此求印
正峻矣時省郎耿君華亭樵隱天趣迴殊頓增
深峻矣時省郎耿君華亭樵隱天趣迴殊頓增
弱頃刻不就因輟此奉獻吳興王蒙敬題叔明拙筆
文敏公之外孫也天姿神品其於翰墨深入晉漢至
於鑒裁尤所精詣鷗波之宅相非子而誰耶至正
辰冬口口八公望拜明初尙存董宗伯云叔明畫
田按元季四家惟倪明初尙存董宗伯云叔明畫
從趙文敏風韻中來故酷似其舅又汎濫唐宋名家
而以董源王維為宗故其縱逸多姿又往往出文敏

規格外若使叔明專門師文敏未必不為文敏所掩也可謂名論叔明畫有題名王子蒙者是其早歲所作叔明一作叔銘又號香光居士余嘗見丹山瀛海卷即署斯號叔明詩無專集可採多據墨蹟錄入畫家贖託者多矣余所錄皆據明以來賞鑒家著錄流傳有緒者庶足存其真耳

姑蘇懷古 三首錄一

崔嵬靈巖山突兀姑蘇臺具區若明鏡會照西子來玉容今

寂寞蒼海飛塵埃

錢塘懷古 三首錄一

煙草埋鴻鐘劫灰隱金關玉殿空明月春潮去不還十二白

玉闌當年有誰攀

田按姑蘇錢塘懷古詩各三首乃陳惟寅首倡和者七人饒介倪瓚陳秀民余詮潘收叔明與惟寅弟汝言也墨蹟流傳後數十年吳匏菴沈石田呂秉之復追和王濟之顧華玉有跋語文徵仲影叔明此詩刻

明詩紀事卷十八

三

入停雲館帖真蹟 國初藏安儀周家

題鐵網珊瑚圖

鐵網網得珊瑚枝寄與東吳范高士翠鳳飛來毛羽寒石化

青羊叱不起金鼎夜煉天地根閉門不識桃花春吳煙拂草

瀛洲綠鳥嗝花落空愁人百壺美酒恣傾倒銷盡春愁人不

老卻從鶴背看塵寰四海如杯嵩華小

安

墨綠葉觀王蒙竹樹石水泉自題詩云玉詩蒼筠數竿枯樹三林下波外上下左右有顧祿王彥文

城

范立胡儼和韻絲網上下左右有顧祿王彥文李仁王士顯沈瑜張禮和韻皆書法精工下又顧祿

范立重和顧祿隸書于闌內此圖因詩有鐵網網得珊瑚枝之句故世呼為鐵網珊瑚圖如倪迂優鉢曇

花之稱 田按此圖會著錄郁逢慶續書畫題跋記題作鐵網

珊瑚圖今仍其舊題

范寬畫卷山水

范寬墨法似營邱散落人間二百秋咫尺畫圖千里思山青

水碧不勝愁

惠麓小隱圖

白頭學種邵平瓜四百年前故將家第一泉頭春夢醒洞庭

煙水接天涯

陳汝言 五首

汝言字惟允吳人明初官濟南經歷坐法死有秋水

軒臺

六硯齋三筆陳惟寅惟允兄弟蘇門高士繪法宗唐宋傅采著色有李思訓李營邱標致

畫史會要陳惟允能詩文山水宗趙魏公清潤可愛兄惟寅高士有雅宜山居亦善山水寅號大髯允號

明詩紀事卷十八

四

小髯

無聲詩史陳惟允當國初為潘左丞客有壽左丞仙山樓閣圖此畫之精絕者徐幼文題其山居圖云昔

年為客處看圖懷故山今日還山住儼然圖畫間泉來遶蘭徑月出對花關應知農事畢高坐有餘閒

尤鏗清賢紀陳惟允工為詩歌而圍棋鼓琴無一不造其妙與倪元鎮為契友故有覓句仍工畫看山不

愛名棋枰消永月琴調寄閒情之贈墨綠策觀陳汝言百丈泉圖筆墨高古無一不規法

董巨相傳松江王氏藏北苑滄山行旅圖有江南半幅董元之稱太倉江有巨畫余見石谷臨本思慕

題為北苑此二圖皆江有巨畫余見石谷臨本思慕有年不能一見真蹟今觀此圖筆法與石谷所摹二

圖相彷彿為元人中超軼者當作董巨觀田按惟允淮張時用事牧齋云惟允嘗騎馬過吳市

遇王止仲徒行為下弗敢後其於仇專已如此余考家看畫止仲尾之往弗敢後其於仇專已如此余考

文徵仲溪山秋霽圖跋云惟允貴顯時止仲為門下客惟允卒後其子繼從父仲學故其辭稍距惟允措

劉政見之罵曰此吾則故齋之言信矣惟允與王叔明為素交合作泰山密雪圖為畫苑佳話惜畫今不

傳嘗見戴醕士侍郎畫册跋云叔明泰山圖絕蹟以
意想像爲之其畫空靈駘宕侍郎真一代畫家也惟
允詩少局邊幅不能如其人之豪宕七律意格靈變
殊有別趣西市之日索筆作畫從容就刑事詳張來
儀詩後

題春山圖

春雨日霏霏春林筍蕨肥魚驚花下艇犬吠柳間扉溪水濃
如酒山雲白似衣悠然玩清景慮淡已忘機

題溪山圖

峯巒青翠高千丈織女機絲手可攀萬壑雲生春冉冉一溪
花落水斑斑人行樵徑蒼蘿裏犬吠誰家綠樹間今日看圖
懷舊隱石田茅屋幾時還

九日

明詩紀事卷十八

五

客逢佳節每堪嗟忽遇君來共憶家醉裏他鄉今日酒眼中
籬菊去年花解吟一老頭如雪學舞雙童臉似霞更憶明年
會何處不知誰復在天涯

睡起

匡床午夢鶴驚破簾外柳花飛白雲漠漠茶煙當戶起丁丁
樵響隔林聞詩成自刻庭前竹酒熟還羹澗底芹春盡江南
新漲綠扁舟何處狎鷗羣

贈倪雲林

高齋閒寂傍湖渚他僻林幽來者稀綠陰當戶子規叫草色
滿簾蝴蝶飛古人久得棲遁趣過客暫息風塵機春來水深
可把釣况有苔石臨柴扉

王冕 十四首

冕字元章一字元肅諸暨人明初授諮議參軍未幾

卒有竹齋集三卷

四庫總目王冕天才縱逸其詩多排異道勁之氣不可拘以常格然高視闊步落落獨行無楊維禎等詭俊纖仄之習在元明之間要為作者

宋濂學士集元章當天大雪赤足上潛嶽峯四顧大呼曰遍天地間皆白玉合成使人心膽澄澈欲仙去及入城戴太帽如筮穿曳地袍翩翩行兩袂軒翥譁笑溢市中應進士舉不棄去買舟下東吳渡大江入淮楚歷覽名山川或遇奇才俠客呼酒共飲慷慨悲吟人斥為狂奴北遊燕都館祕書卿泰不花家欲薦以館職元章曰公誠愚人不足十年此中狐兔亂矣何以祿仕為即日公誠既歸越復大言天下將亂時海內無事或斥為妄元章曰妄人非我誰當為妄哉攜妻孥隱九里山種豆三畝粟倍之樹梅花千株杏居其半芋一區薤韭各百本引水為地種魚千餘頭結茅廬三間自題為梅花屋嘗傲周禮著書一卷曰吾未即死持此以遇明主伊呂事業不難致也

明詩紀事卷十八

六

當風日佳時操觚賦詩千百不休鵬騫海怒讀者毛髮為聳善畫梅不減楊補之求者肩背相望以繪幅短長為得米之差未幾汝穎兵起一如元章言皇帝取婺州將攻越物色得元章授諮議參軍一夕病死元章狀貌魁偉美鬚髯磊落有大志不得少試以死君子惜之
劉基文成集原章詩直而不絞質而不俚豪而不誕奇而不怪博而不濫有忠君愛民之情去惡拔邪之志悲懇惻惻見於詞意之表非徒作也
郎瑛七修類藁王冕字元章號高帽披綠蓑著長齒屐經不偶即焚書讀古兵法戴高帽綠蓑著長齒屐屐擊木劍行歌於市人為狂士之負材氣者爭與之遊嘗遊京城名貴側目平生嗜畫梅畫成未嘗無詩也
有詩云我家洗硯池頭樹箇箇花開淡墨痕不要人誇好顏色只留清氣滿乾坤或以是詩刺時欲執一誇好顏色只留清氣滿乾坤或以是詩刺時欲執談且食上喜曰可與共大事授諮議參軍一夕暴卒應制作絕云獵獵北風吹倒人乾坤無處不生塵胡兒凍死長城下始信江南別有春今竹齋集中未刻昨見蒲菴禪師復見心題其梅花一枝亦號梅花仙豪來寫徧羅浮雪千樹脫巾大叫成花顛有時百

金闕買東山屐有時一壺獨酌西湖船暮校梅花譜
朝誦梅苑水邊籬落見孤韻恍然悟得華光禪
昔識公蓬萊古城下卧雲草閣秋蕭灑短衣迎客嬾
梳頭只把梅花索高價不數揚補之每評湯叔雅
精妙奪造化神坐使良工盡驚詫平生放浪禮法疏
開口每欲談孫吳一留騎牛入燕市曠目怪殺黃髯
胡口老天荒公已死留得清名傳畫史南宮侍郎鐵
石賜愛公梅花入骨髓示我萬玉圖繁花爛無比鐵
度禹陵風影落鏡湖水開圖看花良可吁咸平樹老
無遺林詩魂有些招不返高風誰起孤山逋
國雅王參軍元章才瞻思新善繪梅竹得意處軋題
往往奇拔尤長於七言如雲合紫駝閑虎帳千連春
草入龍沙海氣或生山背雨江湖不到石頭城千峯
同影陷落日萬壑欲盡松風聲抽思雖奇摘詞未秀
詩藪王元章世但知其梅王孟端世但知其竹前哲
以藝爲諱良不虛也
支允堅梅花渡異林勝國王元章豪俠士也其詞語
跌宕不羈可想見其爲人如五更驟雨隨風過滿眼
落花如雪飛可愛華山陳處士風流文采卻貪眠桓
溫豈解知王猛徐庶從來識楊柳色不替得兩月過樹
海燕隔花輕笑人喜一消磨鏡裏霜皆爲時事而
聲青苔蝕盡床頭劍白日消磨鏡裏霜皆爲時事而

明詩紀事卷十八 七

發至花落不隨流水去鶴飛長帶白雲來獨鶴遠從
天際下老夫如在畫中行秋風遶屋樹聲雜夜雨落
山溪水多萬里山河秋杳杳一天風雨夜蕭蕭亦佳
句不可沒也
顧嗣立元詩選元章嘗遊燕都工於畫梅以臙脂作
沒骨體燕京貴人爭求畫乃以一幅張壁間題詩其
上曰疏花箇箇團冰玉羌笛吹他不下來或以爲刺
時欲執之冕賢玉歸隱於會稽之九里山自號煮石
山農
汪日起潤亭漫鈔至元中楊璉真伽恢復佛寺三十
餘所時棄道爲僧者七八百人皆挂冠於上永福寺
帝師殿梁間飛來峯石壁皆鐫佛像會稽王元章冕
詩云白石皆成佛蒼頭半是僧
田披顧俠君據朱竹垞引徐顯稗史集傳爲證錄入
民未嘗一日參軍事且所徐顯稗史集傳爲證錄入
元詩四庫提要云明太祖下婺州聞冕名物色得
之授諮議參軍未幾卒宋濂爲作傳載潛溪集中敘
其始末甚備舊本題爲元人非其實矣余謂稗史傳
聞異辭提要據宋景濂傳以爲信識卓矣元章詩雄
快豪宕七古尤爲獨絕稱其爲人

關河雪霽圖爲金陵王與道題

飛沙羃人風墮幘老夫倦作關河客歸來松下結草廬卧聽
寒流雪山白悠悠如此四十年世情脫略忘閒關今晨見畫
忽自省平地咫尺行山川鳥道連雲出天險玉樹瓊林光閃
閃陰崖絕壑望欲迷冰花厯落風悽慘枯槎側倒銀河開三
巴春色隨人來漁翁舟子相笑語不覺已過洪濤堆溪回浦
漱石齒齒溪上人家成草市長林大谷猿鳥稀小步蹇驢如
凍蟻西望太白日色寒青山削出蛾眉山人生適意隨所寓
底須厯涉窮躋攀明朝攬鏡成白首春色又歸江上柳何如
高堂掛此圖浩歌且醉金陵酒

金陵行送余局官

李白題詩舊遊處桃花楊柳春無數六代衣冠委草萊千官

明詩紀事卷十八

八

事業隨煙霧大江西下秦淮流石頭寂寞圍荒邱原田每每
盡禾黍青山不掩諸公差高樓如天酒如海觸景令人生感
慨紅墮香愁燕子飛風流王謝今安在我欲去尋朱雀橋澹
煙落日風蕭蕭交疏結綺杳無跡但見野草生新苗小兒紛
紛競豪縱區區割據成何用芙蓉水冷燕支消千古繁華同
一夢傷今弔古如之何頭上歲月空蹉跎君行喜有絲五紵
宦情不似詩情多江南故事可知否白雲翼翼變蒼狗休論
平生錦機手浩歌且醉金陵酒

雪麓漁舟圖

大山小山無寸青長江萬里如月明楚天不盡鳥飛絕老樹
欲動風無聲何人方舟順流下草衣簪笠俱瀟灑篷底有兒

能讀書不是尋常釣魚者立貞子陶朱翁避世逃名俱已矣
後來空自談高風我視功名等塵垢何似忘言附杯酒武陵
豈必皆神仙桃花流水人間有

寄太素高士

我昔扁舟上邪溪尋君直過丹田西長松月冷唳子規春風
滿地芳草齊樓殿玲瓏金碧湧鐘聲不出松雲重老猿掬礪
山影亂翠禽啄露巖花動此時相見不作難握手笑上松花
壇壇下十萬青琅玕空陰漠漠常風寒我對青山論今古青
山茫茫無一語知其與我忘爾汝石瓢酌我雲根乳冷然使
我肝膽清飄裾欲渡浮雲輕千峯回影陷落日萬壑欲盡松
風聲回首溪山忽成別幾見江梅飛白雪洞庭湖上聽夜雨
仲宣樓頭望明月樊樊對景傷古情寸心欲吐書難憑何當
相晤一抵掌與君細看真蘭亭

柯博士畫竹

湖州老文久已矣近來墨竹誇二李紛紛後學爭奪真畫竹
豈能知竹意奎章學士丹邱生力能與文相抗衡長縑大楮
縱揮掃高堂六月驚秋聲人傳學士手有竹我知學士琅玕
腹去年長歌下溪谷見我忘形笑淇澳我爲愛竹足不閒十
年走徧江南山今日披圖看新畫乃知愛竹亦如我何當置
我於其下竹冠草衣相對坐坐嘯清風過長夏

吹簫出峽圖

巔崖峭絕撐碧空倒掛老松如老龍奔流落峽噴白雪石角

險過百丈洪我昔放舟從此出牽拖失勢氣欲折春風回首
三十年至今認得山頭月草堂清晨看圖畫畫裏之人間似
我波濤洶湧都不知橫簫自向船中坐酒壺茶具船上頭江
山滿眼隨處游安得更喚元丹邱相携共上黃鶴樓

猛虎行

去年江北多飛蚤今年江南多猛虎白日咆哮作隊行人家
不敢開門戶長林大谷風颼颼四郊食盡畊田牛殘膏賸骨
委邱壑饑饉嘯雨無人收老烏銜腸上枯樹仰天烏烏爲誰
訴逋逃茫茫不見歸歸來又苦無家住老翁老婦相對哭布
被多年不成幅天明起火無粒粟那更打門苛政酷折罷販
肘無全民我欲具陳難具陳縱使移家向廛市破獍猥猥噍

明詩紀事卷十八

十

成羣

有感

江南古客無寸田半尺破研輸租錢好山好水難貧緣荃房
日薄蒙荒煙囊中科斗立百年大經大法垂幽玄他人不知
我自憐落花春暮嘯杜鵑杜鵑嘯苦山竹裂錦官宮殿煙霏
滅人間百鳥無處栖青蠅貝錦成行列北望茫茫莎草黃葱
河五月天雨霜岐陽不見真鳳凰山雞野鴛爭文章江南估
客苦無計卻向水中擧薛荔沙漚夢老蘋兩殘溼雲不動天
如醉回觀蓬萊十二樓我曾讀書樓上頭樓前平碧千頃秋
白露暗洗芙蓉愁歲寒歸來有誰在青松是兄梅是弟山中
巢許不可尋卻對老嵇飡石髓

我昔聞諸太古初馮翊曾安可摹自從庖羲得龍馬奇偶
 變化滋圖書結繩之政由此毀科斗鳥跡紛紜起後來大小
 篆生周稱史籀秦誇李只今相去幾百年字體散漫隨雲
 煙岐陽石鼓土花蝕嶧山之碑野火然縱有秦銘刻岑石冰
 消雪剝無蹤跡書生好學何所窺每展史編空歎息樊山先
 生東魯儒好古博雅耽成癩入分小篆純古法鑿石置之東
 南隅白日光芒爭照耀滿城走看嗟神妙向來傳寫何足珍
 棗木空遺後人誚徐公手摹烽火塵金陵近刻殊失真那知
 此本意態清丞相李斯下筆新申屠墨莊有傳授法度森嚴
 非苟苟豈為後學得所師萬世千秋垂不朽

明詩紀事卷十八

士

田 按子迪名駒東平人御史致遠子子迪為紹興理
 官問交於王止善良止善曰吾里人有王元章志行
 不求於俗欲與語非就見不可子迪至即遣吏以自
 通元章曰我不識申屠公謝不與見子迪奇其為人
 遂謁禮益恭且白為大尹起入學舍講授元章此詩
 造其虛以請元章為之強起子迪具書幣製冠服俱
 所謂篆刻卷者子迪重刻嶧山秦碑二石置於紹興
 學官今世所謂申屠本也又詩所謂申屠墨莊有傳
 授致遠嘗聚書萬卷名曰墨莊見元史本傳

雷寫懷

世情多曲折客况自堪憐聽雨愁如海懷人夜似年草肥燕

地馬花老蜀山鷓冷澹無歸計蒼苔滿石田
 二月江亭野色明揚花飛散雪盈盈鹽煙半入海氣白風雨

偶成

忽來谿樹鳴離思厭聽孤燕語客情無奈亂山青明朝又上

長安道卻望咸陽舊帝京

過昭瑞宮次韻

題詩

金屋無人玉殿開青蒲埋沒遍莓苔舊愁隱隱隨煙浪新恨
綿綿入草萊紅葉已隨流水去黃門空憶看花來東南富貴
消磨盡留得荒邨古將臺

異鄉

東山西山生白雲異鄉那忍見殘春野蒿得雨長過樹海燕
隔花輕笑人每是閉門疎世事何曾借酒惱比鄰過從時有
相嗔怪不解潛夫意思真

金水河春興

金水河邊柳色新玉山館外少沙塵琵琶未必能愁客鸚鵡

明詩紀事卷十八

十一

如何錯喚人翠袖錦襜馱白馬落花飛絮閱朱輪人間天上

無多路只隔紅門別是春

張紳十一首

紳字仲紳一字士行登州人洪武十五年以薦授鄆

東山西

縣教諭尋召為右僉都御史終浙江布政使

聽雨樓請賢記張紳字仲紳濟南人慷慨激烈不瑣

瑣於世事作為詩文雖不經意而自成一家能議論

終日晝夜不休蓋北方豪傑之士為本朝浙江布政

書史會要張紳字士行山東人負才畧談辯縱橫能

卜永譽式古堂書史張紳善篆書亦善寫墨竹

田按列朝詩集詩綜均以仲紳為濟南人蓋據王達

善聽兩樓諸賢記也考實錄十五年耆儒鮑恂等四
人被徵至京先是禮部主事劉庸舉鮑恂余詮張紳
張長年皆明經老儒達於文華殿大學士以老疾辭放
之恂詮長年先至命為文華殿大學士以老疾辭放
歸紳後至授陝西鄆縣教諭紳登州人以學行稱明

史四庫總目均以神爲登州人今據此改正明初山東以詩文名家者仲紳牛士良外指不多屈宋弼輻山左明詩洪武間寥寥數人當時豈無作者無事者表章之耳仲紳兼善書畫高季迪題張雲門畫竹詩云臨池書罷換鸞文餘墨猶堪寫此君一段湘娥廟前意淋漓秋雨共秋雲朱竹垞云仲紳精於賞鑒自稱雲門山樵雲門遺老此外尙有山門老樵雲山人皆仲紳別號亦書畫家所當知也

題畫

閉門綠樹老華池芳草生偶隨蝴蝶起獨自下階行何處垂

楊院春風嬌鳥鳴

題江岫圖

烏衣巷裏東風老蝴蝶飛來滿芳草美人春夢隔天涯十二巫山眉不掃巫山巫峽江水新煙波渺渺江南春鴛鴦不識橫塘路鸚鵡窗前呼向人青綾誰共官曹宿霜楮雲毫吮新

明詩紀事卷十八

三

綠太常春夢碧霞沈六曲屏風對銀燭

高陵篇

有序

盧君公武所著孫王墓辨考據詳審與蔡正甫燕王

墓辨同繼又作詩弔古合古今詩文及和之者敘次

辨後成一編以示予可謂好古也矣余雅好論辨古

今同賦詩一首

道旁鬼鏃飛神叢狂客賊我人中龍有兒十七心膽雄意氣

奄有江之東臍然未息炎精委四海英雄爲時起十年血戰

不成功破面安能作天子盤盤門外野水濱可憐高冢埋麒麟

麟鬪餽飲恨尙不朽死骨肯作曹瞞臣墓旁春草年年碧黃

金握臂人耕出姓名幸爾人不知卻怪中平一方石君不見

吳王帳下越王舞漢王成功楚王虜英雄千載欲何爲盡作
北邙山下土又不見秦王治葬驪山宮玉鳧金雁俱成空武
皇求仙東海上茂陵石馬嘶秋風與君下馬高陵路落日高
城起煙霧闔閭壞塚在城邊何須重歎孫王墓

日出行

東方曈曈日初出田家少婦當窗織屋頭樹稀窗有光小姑
催起不暇妝長梭軋軋秋絲密一日上機催一匹丁甯小郎
慎勿嘸織成令汝穿完衣

捕雀詞

原頭霜深秋草薄荒邨山兒捕黃雀高張弓矢低羅網日暮
競比誰得多野田吹火拾枯樹一半煨燒雜山芋北風吹草
歸

明詩紀事卷十八

古

毛血腥各自騎牛唱歌去我身不惜充爾饑空城黃口待我

送友賦得玉鉤斜

在揚州煬帝葬宮人處

右屯將軍猛如虎十二離宮罷歌舞宮中佳麗三千人半作
玉鉤斜上土秋風蕭蕭秋雨寒翠襦零落金釧殘豈知後來
好事者重搆華亭宿草問亭前往來車馬集魚龍爛熳無人
識間街屈律玉環分香徑縈紆寶釵出游人歌舞暮不歸青
山落日爭光輝香魂夜夜無歸處化作鴛鴦陌上飛只今往
事皆沈沒空見原頭土花碧暎夫拾得鳳凰釵恐是蕭娘在
時物野棠花開春日西胡蝶雙飛鶯亂嘸道傍芳草年年合
長與行人送馬蹏

題王提舉界畫樓閣圖

吳蠶擇繭銀絲光輕毫界墨秋痕香宮中千門復萬戶知是
阿房是未央樓頭美人朝未起十二珠簾隔秋水香銷玳瑁
舞筵間夢斷芙蓉鴛帳底八窗玲瓏金鎖開君王已在迎仙
臺霓旌鳳輦雲間合翠管銀笙天上來君不見咸陽一火三
月紅野花嗚鳥爭春風當時亡國知何處盡在如今圖畫中
送勤上人歸靈鷲山

遊冶城山

明詩紀事卷十八

五

瑤草秋深石磴長半空嵐氣溼衣裳江山佳處一亭古風雨
來時四座涼陰洞水腥龍蛻角山巖雲暖麝生香道人好護
新松樹長見清陰覆御床

再題聽雨樓卷

草樓聽雨夜春燈隔重簾瓶中新茗煮奩裏舊口添風珮潛
歸浦雲璫亂綴檐乍驚來湛湛更覺去纖纖頗被風相妬還
疑雪與兼喜隨魚艇泊愁怕客窗淹頭白盧徵士高情苦未
厭

題雲林畫

春林無人白石香白雲飛來江上房扁舟載得吳娃去三十
六灣春夢長

莘野一首

野字叔耕歸安人洪武初由訓導遷棗強知縣致仕後改麗波巡檢卒官有環洲集

六視齋筆記莘叔耕善畫梅居湖之蓮花莊田按張來儀題莘叔耕畫梅雪軒詩云好畫誰如莘棗強墮馬折肱猶未忘何年寫此寒林越精絕未數左手王明初詩家以畫梅稱者王元章劉子高唐處敬叔耕畫梅詩不多見

杏林仙館圖

仙家樓閣倚崇山鐵鎖千尋不可攀獨爲尋真行海上偶因訪疾到人閒舟成紫室龍垂野杏熟青林虎抱關聞說著書有餘暇石壇步月珮珊珊

吳植一首

明詩紀事

卷十八

六

吳植字子立嚴州人以處士徵藤州知州

列朝詩集子立別自號白玉壺善草書

留別張孟兼

故人昔隱仙華山高卧白雲終日閑我攜清都綠玉杖相與嘯傲煙霞間一朝忽被徵書起姓名直入明光裏清時冠帶圍橋門濟濟橫經臨壁水坐擁皋比三載餘石室仍紬太史書平生直氣橫秋嶽秉筆一字誅奸諛邇來峻擢儀曹上千載皇風回揖讓要知制作魯諸生元是傳經舊劉向蹇子泉石是生涯白頭受薦來京華相逢共醉金陵市一官卻種河陽花人生離會良可惜已覺形容非昨日馬頭萬點蜀山青回首秦淮煙樹夕丈夫才氣古所難去去有冠冠莫彈郵筒

酒熟甯辭飲飯顆詩成得細看
憐君最是知子者慷慨高歌
起中夜葛令丹砂或可求
王喬飛鳥還堪借他時一笑蓬萊
巔碧桃亂發東風前還將玉管吹明月叶似雲閒紫鳳篇

芮麟一首

鳳臺東 麟字志文宣城人洪武中由國子生累官台州府知府謫戍邊復起爲建甯知府

過庭訓分省人物考芮麟善楷書

敬亭弔古

輕雲開雨弄春陰好鳥如歌綠樹深
欲問山靈招李白倚樓吟斷碧雲岑

袁養福一首

明詩紀事 卷十八

七

養福字能伯吳人洪武初官湖廣按察副史調福建
抱翁家藏集袁養福所書郭有道碑文端勁清峭深得歐陽率更筆意以其字畫之妙如此宜有書名於時然吳人固不知有袁養福也陳檢討嗣初稱其行誼

寄陳厚性

漫客狂遊去不歸柳深江碧暮春時
十年客夢連宵雨萬里山行滿篋詩
南浦草多離恨遠青樓人去雁來遲
何妨脫卻風塵吏日日街頭醉似泥

古詩一首

風塵吏日日街頭醉似泥
西風蕭蕭對對鳴
秋中亦
西風蕭蕭對對鳴
秋中亦
西風蕭蕭對對鳴
秋中亦

